

AZ.
II

X

BIBLIOTECA NAZ.
Vittorio Emanuele III

XXXIX

D


87

NAPOLI





IOH. FRID. CHRISTII M
FABVLARVM
VETERVM.
AESOPIARVM
LIBRI DVO



L I P S I A E
EX OFFICINA BREITKOPFIA
A.C.N. C1210CC XXXXVIII





P R A E F A T I O



uum reliquae litterae proauorum
 memoria e monumentis veterum
 excitatae surgerent, etiam fabulae
 Aesopiac honestissimo ingeniorum
 certamine nituerunt: vt adeo an-
 te Fontanum, quem aliqui vnum
 ferunt, essent homines docti non pauci, qui
 ostenderent, quo pacto optime narranda fabu-
 la esset. Attamen, si formam huius argumenti
 propius intueare, velis que scribendo impletam
 fuisse illius mensuram, desideres que legere fa-
 bulas facetas et commodas, valde que, ad ima-
 ginem vetustatis, Latinas, in arcum copiae co-
 guntur. Nam quā paucos aestimamus scripto-
 res, qui optime in eo genere versati sunt, vt
 Camerarius, vt Faernus: ad rectam puerorum
 institutionem, cui rei vnice eos studuisse con-
 stat, ferme fatis: ad reliquas fabulae Aesopiac
 virtutes, si quaedam non multa exceperis, pa-
 rum

P R A E F A T I O

rum praestiterunt. Amplius nimirum illi vitam humanam praeceptis instruerent: viros etiam quadam faceta eleganti que vrbanitate, dum pueros informabant, tenerent: adderent interdum copiam, rebus que paruis dignitatem. Ista intuitus argumenti naturam, neque iniquus iudex, iuxta mecum putabis. Nisi quacuis vndique congesta, ea que narrata pure, verbis que, quam fieri potest, paucissimis, fabulam esse protinus Aesopiam, quae probari debeat, existimes. Hoc propositum fuit illis ingenio ac virtute primariis viris, adstricta insigni breuitate argumenta fabularum quamplurima tradere. Sed narratio mollis et iucunda, quae illis rebus, tanquam animae corpus suum, circumdatur, copiam nonnullam festiuam poscit: non istam tenuitatem paene siccam. In vbertate fatietas vitanda est haecenus, ne deficiat animus legentium, pascendus ille prouentu quodam elegantiae vrbanitatisque iuxta fabulam sitae. Illi plerumque scriptores velut ossa ingenii Aesopei, carnes ac nervos repraesentare non sunt ausi. Qua in re ille quoque, suspectus mihi merito suo Phaedri sub nomine poeta, falsus fuit, dum, quas periochas fabularum inuenerat, nouo verborum compendio arctiores plerasque, quam erant praebitae, videtur fecisse, sola breuitate munda mensus fabulae virtutem. Hanc autem dari mihi veniam hac in re postulo, vt liceat tantisper, dum omnia liquidius apparuerint, quinque Phaedri libros, quales

P R A E F A T I O

quales sunt editi, saltem ex parte, graues ob
causas suspectos habere, idque cum integra
eorum, qui nostra legent, gratia. Auant
enim eum aut assuetudine a pueritia ediscendi,
aut iudicio, multi, et sensi eos aegre ferre li-
bertatem sententiae meae. Est vero facetus
subinde ac nitidus, candorisque veteris Latii
aemulus: labat in aliis, quae fugiunt pleros-
que, aut reliquis eius virtutibus donantur.
Accedit cognita ac spectata illius, qui primus
edidit, fides: praecipua eorum, quorum quisque
ingenii ac litterarum sua aetate, suo in populo,
facile princeps esset, auctoritas testata: publi-
cus expetendis repetitae toties editionis exem-
plis fauor: alia eiusmodi. Sed obstant his,
praeterquam quod res et verba sunt prodita in
libris illis quinque multa, quae cum tempori-
bus, personis, institutis, sententiisque Romae
veteris aperte pugnant, testimonia certa fide
dignissimorum hominum, ac monumenta libro-
rum aliorum. De quibus equidem commentan-
do traxi notas atque animaduersiones plurimas,
quarum vi coniuncta sic ille arguitur vrguetur
que, vt monstri sit simile futurum, si tamen esse
verus, tot rebus abluens et mancus, vincatur.
Inter tanta tamen operis contaminati, mentien-
tisque saeculum et nomen alienum, signa, nul-
lum mihi videtur maius esse, quam forma quae-
dam narrationis disertae, quam prope vbique
veteres, ille, si paucissimas excepèris fabulas,
prope nusquam recte tenuit.

P R A E F A T I O

Idcirco mihi visus sum, hanc amplexus partem, operae pretium facturum, si meis his fabellis, quarum argumenta et verba quoque aliqua e libris eis petita sunt, e quibus puto qualemcunque Phaedrum profecisse, quid posset in his narratione meliore fieri, experimento tentarem. Curaui autem, ut ad hos propemodum redactae numeros, ad haec verba, ad has facetias, fabulae viderentur prodire, quibus rebus olim scriptas fuisse trimetris, ante Phaedrum personatum, ab aliquo poeta vetere, verisimillimum est. Non omnis earum forma, mea quidem sententia, quanquam in epitomen concisae sint, sic interiit, ut ne pleniora saepe meliora que Phaedrinis exire sic quoque in publicum, vetustorum librorum e vestigiis, posse crederem. Istud si sim affecutus ingenio, iudiciis aliorum aestimandum lubens permitto. Putaui vero, sumendam esse mihi hanc operam, etsi gratuita sit futura: dummodo vera exemplo ostenderem, ac rectissima quaeque vel hoc lusu docerem: simul Phaedri nomen, suspectum mihi, falsis que quibusdam rebus circumdatum, nudarem.

Aesopias inscripsi fabulas, non modo eius exemplo, qui pro Phaedro fertur, verum etiam quia bonum ac traditum a veteribus vocabulum esse reor, ut fabulae, quae ad similitudinem earum; quas Aesopus tradidisset, velut imitando eum, fierent, Aesopiae: reliquae,
ab

P R A E F A T I O

ab ipso inuentae, Aesopi, aut Aesopicae, non Aesopiae, vocarentur. Ipse certe, quem pro Phaedro legunt vulgo,

Quas Aesopias, non Aesopi, nomino.

et mox deinde,

Vsus vetusto genere, sed rebus nouis.

ac rursus,

Aesopi nomen sicubi interposuero,

Auctoritatis esse scito gratia.

Hanc autem verbi formam, tanquam mundior-rem, soni caussa potius retinui, producta quidem altera a fine syllaba, quam vt *Aesopeas* dicerem: vtut hoc quoque rectum sit, atque etiam casu, aliterque inflexo vocabulo, nitidius altero. Vt vicissim sonantius cadat ac melius, de *Aesopeis* memorare, quam de *Aesopiis*. Scio tamen, me non vbique, quas praescripsi in titulo, Aesopias praestare, sed in quibusdam paucis Aesopi fabulas. Mihi enim per eos, quos secutus sum, retinere aut relinquere quas vellem, integrum non fuit. Sed ille, qui pro Phaedro habetur, posuit primum non paucissimas fabulas, quae, ipsius arbitrio ac finitione, Aesopiae non sunt, sed Aesopi: quas ipse, nolle attingere, professus fuerat. Res ipsas vetustas narrat saepe, non modo vetusti generis, quod ait, argumenta. Aesopi

P R A E F A T I O

non nomen solum, vt scribit, auctoritatis gratia: sed ingenium eius subinde, et res ab eo petitas, interponit. Deinde narrationes quoque ac facetias aliquas pro fabulis, quae ne fabulae quidem. Postremo fabulas, quae nullo pacto Aesopiae, sed, si quid sunt, Sybariticae fortassis, aut aliquid eiusmodi, erant dicendae. Quibus rebus omnibus suspectus videri eruditis hominibus debet.

De eo fabularum opere Aesopiarum, quas ille, qui conscripsit, profitetur potius, quam praestat, quid sentirem, nuper libro publicato ostendi. Accedunt alia multa praeterea suspecti operis argumenta, quae nos tunc, ne molesti videremur, omisimus. Nunc vnum eorum vt accurate mecum considerent, qui ad ista legenda accedunt, rogo: et est operae pretium, quid sit, cognosse.

Habentur in bibliothecis codices vetusti, quorum operum scriptores qualescunque oportet ante quadringentos aut quingentos ad minimum annos vixisse. In eis libris leguntur fabulae Aesopiae, atque aliae utcunque facetiae, oratione de carminibus soluta, ea que semilatina, non compositae ingenio, nam nihil hic neque rerum, neque verborum, ex eorum copiis est, qui effectores epitomarum vetera describebant: sed fabulae igitur temere contractae, atque in vnum congestae. Non est, qui coequet,
hono

P R A E F A T I O

homo vnus, neque opus vnum, e quo petita: nihil coloris vnus. Epitomae sunt inscien- ter arctatae scriptorum veterum aliquanto melio- rum, quam id cognosci facile ex hac misere de- pravata eorum specie potest. Sed illa nimirum interciderunt. Haec verborum elegantiae que omnis compendia, erroribus potius et inscien- tia relinquendi optima, substituendi praua, quam vlllo bono suo, censenda sunt. Eorum, vt iudicare iam omnes possint, qualia sint ista, publicando copiam fecit adolescens eo tempore egregius Ioh. Federicus Nilant Gronouii maio- ris e filia nepos. Anni sunt prope quadraginta ex quo liber eius Lugduni Batauorum prodiit. Bona pars est epitomarum, quales etiam in aliis codicum membranis, ad eum modum de fabulis Aesopeis factae, leguntur. Tanti vix erit, vt aliquis otio suo male consulturus porro conquirat. attamen, si quis curet, si quis inde quoque, quidquid inerit boni succi, studio ad fabulas redigat, possit aliquod non spernendum nostris corollarium adiungere. Ego interea istis ab Nilantio publicatis ideo quoque con- tentus fui, ne non cuius erudito, quid, qui- bus exemplis scripserim, facile appareret. Ille, quarum copiam editione fecit, *Fabulas Anti- quas ὁπλῆς*, et mox errore, ex *Phaedro* esse, quando ex his potius *Phaedri* fabulae: deinde inscripsit alias, nihilo illis deteriores, *Romuli fabulas Aesopias*. Ante illum in libris indiscre- tae reperiuntur laudari indicari que modo

a 5

Aesopi,

P R A E F A T I O

Aesopi, modo Romuli, modo Rimicii, modo Phaedri, a Gudio quidem, aliorumque, falsis partim nominibus, modo nullo nomine. Nam Rimicium certe, corrupto per errorem nomine, non alium virum intellegi debere, quam qui se Rynucium Thessalum operi fabularum praescripsit, verisimillimum est: idque fuit alio tempore a nobis disputatum. In ea Nilantina fabularum congerie proposita inueniuntur ac descripta argumenta non pauca earum fabularum, quae etiam in Phaedri libris, ac praeterea alia item simillima illorum, sed non tradita in his, quae esse Phaedri putantur. Quicunque igitur fabulas tales congerere olim aggregisti ista commentaria fecerunt, nihil aliud pensi habuisse operibus arguuntur, nisi vt carmina, quae repererant, orationis alioqui pedestris, fabulisque conuenientissimae, simplicitate candida concepta, demitterent etiam ad ineptam humilitatem, ac soluerent, truncarentque, et contraherent omnia. Omnia videlicet instituti sui et incepti bona metiti vnica illa tenui ac sicca sermonis barbari breuitate. Procrustae more dicas ad modulum ac pedem ingenii sui omnia exegisse, rescuuisseque quidquid extare ex facultate sua, et superare infantiam videbatur. Eneruem verbis paucis, ac saepe nec verbis, vocem narrationis pro sermone, hoc tantum consilio, vt tempori, et curae, et membranis parcerent, edebant. Hi tales tamen, qui breuitatem solam vnice sectabantur,

P R A E F A T I O

bantur, qui de suo addere aliquid, duntaxat sapum, si maxime cuperent, non possent; ubi in easdem fabulas, in quas item qui pro Phaedro scripsit, incurrerunt, verba, quae ipse, et numeros subinde eosdem, referunt, atque insuper non vocabula modo commoda, ac facetias interdum mundas, verum etiam trimetros totos frequentant haud malos; quorum omnium in eisdem saepe apud Phaedrum fabulis nullum vestigium est. Quid, quod illis commentariis, breuitate frigida vitiosis, breuior adstrictiorque in longe plurimis fabellis Phaedro est. Verba saepe bona, earumque fabularum propria, sententiasque veras ac splendas, quae in semibarbaris earum reliquiis insertae leguntur, omisisse ille, comparandis inter se dictorum similitudine libris, arguitur. Hoc unde natum dicas: has res unde illi peterent, defecti omnibus, non modo ingenio: nisi fuissent in eorum manibus fabulae veteres trimetris Latinis scriptae, diuersae ab his, quae dicuntur Phaedri, atque eis aliquanto ampliores facetioresque? Ex his nimirum, quae interciderunt, intelleguntur ingeniorum isti Procrustae suas epitomas fecisse: atque post deinde qui pro Phaedro habetur, aut de illis trimetris alio compendio pauciores peioresque, tanquam in hosticum delatus, et inde cum istis in commune praedas agens, aut, quod est potius, multo que dictus procliuius, ex his solutarum oratione prosa ac tenui fabularum

P R A E F A T I O

rum epitomis, numeros qualescunque delegisse, qui ad trimetros libris quinque fabularum explicandos redirent. Illos autem versus, quia e reliquiis agnoscebat olim scriptos fuisse, tanquam si restitueret Iambis saepe non bonis, ut visum fuit, refecit, digessitque ex parte aliter pro arbitrio fabulas. Nam istos certe epitomarum scriptores plurima sat bona atque splendida non ex illo sumsisse, verum ex alio, manifestum est. Non igitur potest fieri, ut reliqua, quae in eadem cum illis alienis argumenta saepe concurrunt, ex eo sumserint: Aliunde habent suam, Phaedri dictione subinde plenior, rebusque praeter eius verba commodis interpolatam, infantiam. Ille potius breuitatem suam fabulis horum exemplo circumdedit. Neque est credibile eum, si e vetustiore poeta profecisset, pauciores peioresque trimetros de trimetris facturum fuisse. Praeterquam autem verba, et res, et numeros epitomarum, quae omnia frequenter meliora Phaedrinis, cum arguunt, ordo quoque fabularum nondum totus conuulsus in epitomis quamuis temere descriptis, plus rationis, quam in Phaedro, habet, et quaedam sua vetustatis vestigia, eo que ostendit, ex his eum, non hos ex illo, sua repetisse. Adde prooemia, quae item similia hic veris conuenientibusque operum principiis, quam qualia apud Phaedrum extant. Horum enim illa si ex eo essent, breuiora omnia exissent, non, ut sunt pleraque, ampliora:

P R A E F A T I O

pliora: neque aliae apparerent, quam apud illum, initio operis fabulae, illaeque praecinctae melioribus principiis, quibuscum rectius concinunt, quam cum suis Phaedri dicta. Testantur etiam ipsi, qui fabularum epitomen scribere conati sunt, poetam eum, e quo profecerunt, cuius disiecta inter verba eorum membra apparent, in principio operis sui posuisse fabulam *de Gallo gallinaceo et margarita*. Nilantii certe Romulus ibi, *Aesopus*, inquit, *hanc primam fabulam dicit*. Aesopus nimirum appellatur ab eo, more temporum illorum, cuius fabularum scriptor, tanquam communi multis, non proprio nomine, ille ibi, e quo sua sumserat. Namque mixtim, neque vlllo discrimine, quaecunque erant in manibus fabularum talium opera, Aesopos vocabant. Si e Phaedro Romulus petiisset, quae concideret, is scilicet ei Aesopus esset. Non autem e Phaedro sua deriuasse, hoc argumento sine exceptione euincitur, quod non primam eam fabulam, ut ait Romulus, sed tertii libri duodecimam, qui pro Phaedro habetur, posuit. Graeculi quoque olim in fabularum, quae Aesopi inscribuntur, congerie duplici, aut si Pseudobabryam illis adiectum censeas, triplici, nusquam hanc primam ediderunt: ne forte suspiceris Graecis litteris, aut omnino commentariis Graecorum, adiutum Romulum fuisse. In Anonymo Neueleti, qui subinde a me, ne aliquo nomine careret, Accius vocitatus est,

prima

P R A E F A T I O

prima haec quidem fabula legitur. Sed nisi vetustatis argumento ante hunc Anonymum vixisse Romulus, quisquis est, probaretur, in huius epitome iambicorum versuum numeri et fragmenta apparent, non item saepe dactylici generis, quo est scriptus Anonymi liber. Non igitur ex eo quidquam, neque e Phaedri opere, petiit Romulus. At enimvero vel hoc indicio est, extitisse poetam vetustum, qui fabulas Aesopias, partim alias, alio ordine, quam Phaeder, copiosius item ampliusque iambis Latinis conceptas, litteris prodidisset, non Phaedri, sed alio quocunque, quod ignoratur, nomine. Ex eo arguuntur vel ordine fabularum hausisse suarum pleraque incertus primo Antiquarum, ut Nilantius eas vocat, descriptor: mox Romulus vterque prosa et versa fabulas edidisse intellectus fortasse, potius errore multorum, quam traditus: dein Anonymus Neueleti. Ex his postremo diuersis epitomis profecisse argumentis multis vincitur, quicunque, animaduersis inter verba eorum semilatina ac deprehensis multis veteris poetae trimetris, inuento item Phaedri alicuius olim fabularum scriptoris in Auiani epistola nomine, putauit restituere se hunc poetam ex epitomis posse, eumque Phaedrum, quem Auianus laudaret, videri. Idcirco aggressus est plerasque earum fabularum, quae in quinque libris leguntur, ex illis commentariis resingere, ante trecentos propemodum annos, mea quidem sententia,

Perot-

P R A E F A T I O

Perottus. Traditum ille fabularum ordinem pro arbitrio turbavit: omisit multa: addidit quaedam e vetustis ingeniorum monumentis aliis, quorum ad nos neque reliquiae peruen-
nerunt, neque aliud vllum vestigium, prae-
terquam quod ille, qui pro Phaedro fertur, stilo suo fecit. Quod si contra illi omnes, quod quidem factum fuisse censent ac pro-
pugnant, viri multi doctissimi, e Phaedro pro-
fecissent: qui potuit euenire, vt tanto inter-
vallo reiectam ab illo de gallo gallinaceo fa-
bulam ex compacto primam operum suorum omnes facerent? Quae esset caussa, cur Ro-
mulus etiam testaretur, se in libris principio scriptam inuenisse? Extant etiam alia, vt di-
xi, ordinis turbati signa. Nam in alio vetusti operis volumine ante hanc fabulam videtur po-
sita fuisse vna de ranis regem petentibus cum prooemio suo: aut hanc fabulam de ranis, tanquam partem prooemii, miscuit Romulus cum principiis libri, neque vlllo in numero sig-
gillatim vt fabulam, ne computaret, habuit: quo factum est, vt alteram de gallo, quum haec de ranis prooemium ipsum eius opinione esset, primam appellare posset. Huius quo-
que rei mihi visus est idem indicium facere ini-
tio libri, ex quo initio prooemium veteris il-
lius, quem dixi, poetae amissi, rectius simpli-
ciusque expressisse me, et quodam pacto resti-
tuisse puto, quam id, qui pro Phaedro est, fecit. Is enim hoc ipsum operis totius, non
vnius

P R A E F A T I O

vnus fabulae, principium, sine ratione, atque, vt mihi quidem videtur, perperam, post primam fabulam lupi et agni collocauit.

Illis propterea, de quibus haecenus dixi, fabularum epitomis semibarbaris, ad hunc modum ego in praesens vsus sum, vt eadem ferme, quae in Phaedri libris tractata sunt argumenta, ex Antiquarum et Romuli commentariis, ad verba antiqua, vt mihi videbantur, et proba, ad sententiam veram, quae fere vbi-que luxata fuit, ad facetias nonnullas semper ab illis aut relictas, aut inquinatas, ad numeros et metrum iambis fabularum debitum, ab scopis, vt aiunt, dissolutis reuocarem. Feci istud sepositis interea Phaedri qualiscunque libris, neque puto accidisse, vt frequenter admodum in eius verba, et numeros, et sententiam scribendo incurrerem, eadem que, quae ille quoque, saepe ponerem. Nam ne quidem inde memoriter me tenere multa, vt vel imprudenti se ingererent, puto: posteaquam olim me non modo cepit, sed ne morata quidem est aliqua specie illius facundia scriptoris: solent autem iucundissima lectu, quae mireris impense, obhaerere in animo: quae leui studio tetigeris, non item. Attamen, quia eadem vterque e communi velut fundo messuimus, debuit sane contingere, vt interdum eadem mihi, quae ei, verba, iidem numeri, eadem sententiae, in eodem argumento subnascerentur. Quae ne-
que

P R A E F A T I O

que requisivi, neque sponte oblata, tanquam si occupata ab alio essent, repudianda ob id putavi. Quærimus enim, non quid ego possim, non quam varie verbis aliis expediri fabula possit: sed quid ille vetus videatur scripsisse, quem, quicumque pro Phaedro sua edidit, voluit item, ut ego, reddere. Verum tamen ea cura, dum antiqua, aut antiquorum gemina similitudine, restituere conor, maius aliquanto negotium mihi exhibuit, ne non redirent commissuris suis hæc hiulca ad aliquem carminis Latini nitorem, quam si de non inuentis noua omnia fecissem. Quare eodem in loco habendæ sunt hæc duobus libris nunc in publicum emissæ fabulae, utut sint, argumentis, et verbis etiam nonnullis, quas equidem esse inscripti, veteres, atque si totæ meae essent. Quia, præterquam quod ferme argumenta sola, atque ea quoque corrupta misere que sæpe habitata, nobis præbebantur, e tenuissimis plerumque vestigiis diuinandum fuit, non modo quid restituendum, quid addendum inuentis videretur, verum etiam deprehendendum, quid ex quo corruptum deprauatumque esset. Nam illi ad reliqua tardi, dum rescant ac relinquunt optima quæque, praua vocabula pro bonis, tanquam breuiora expeditiora que, et eorum certe animis planiora apertiora que, nobis obtrudunt: ac præterea in aliquos quoque sæpe numeros casu deueniunt, idque faciunt adeo latenter, ut diligentia opus sit multa in illis

b

velut

P R A E F A T I O.

velut scrupis amouendis. Eo fit, vt diuersi hoc idem aggressi opus diuersissima scribendo extuderint. atque idcirco erat nobis nonnulla cum libertate honesta, neque anxie, in illa re, quoad licuit, versandum. Sed est caussa, cur hoc pacto scriptionis nostrae istius quantulaecunque rationem edamus minime iactabundi, ne quis vel illam necessariam ingeniis libertatem eleuare velit, vel operam nostram, tanquam in alieno, praebitis, vnde ista fierent, utcunque occupatam. Inuentis enim facile est, inquirunt, addere quae velis. Verum est istud. Sed his tamen inuentis tam laceris difficilius fuit addere integra ac sana dicta, vt aliqua facies decora operis ytilissimi existèret, quam si noua omnia commentando, neque villo praescripto operis sine aut modo, fecissemus. Sed mittemus iam nunc ista. Quoniam exhausti eam lubenti animo, utcunque erat, molestiam, quo certius planiusque appareret, quales sint in manibus fabulae Phaedri, et quales erant propemodum futurae, velut archetypo poeta restituto, si antiqua et veriora earum exempla apparerent. Coniunxi autem in restituendis fabulis vtrumque commentarium, *Antiquarum* qui inscribitur, et *Romuli*. Iste enim bona quaedam saepe habet, quae ille breuitatis studio omisit. Religio tamen mihi non erat, quo minus adderem subinde, quae neuter posuerat: mutarem, quae vterque. Nam formam potius spirantes quae animas fabularum, quales

P R A E F A T I O

quales olim viderentur fuisse, quam verborum quasdam reliquias me repraesentaturum, intellegebam. Satis mihi visus praestare, si ampliora haecenus, qua nitescere de relictis vel-
lent, redderem: haud absurda in loco verba adiungere. Hoc enim, ut dixi, vitiosi illi ingeniorum Procrustae, hoc vitiosus quicumque pro Phaedro scripsit, quod inscite contrahunt omnia, omittunt facetias, ac velut parerga fabulis debita, simul aliquid reconditius spirare illa visa sunt. Potest fieri, et est verisimile, ut ille, qui restituere Phaedrum fabulis instituit ad numeros redigendis, quia multiplicis figurae hae dissolutae in prosam orationem Aesopiae variis voluminum contextibus feruntur, amplioribus ac saepe melioribus libris sit usus, quam quidem ego Nilantii beneficio. Ad eius enim copias propemodum redactus fui. Ex illis libris plenioribus ac diuersis partim, siue Perottus, seu quisquis ante Perottum hoc idem conatus credi potest, mox Phaeder inserto ac praescripto nomine futurus, aliqua sane bona dextre sumsit, atque aliqua fortassis ipse quoque, ut erat ingeniosus, noua fecit, quorum in libris nullum vestigium esset. Pauca idem fabulas utrique nostrum communes potuit quibusdam rebus, ac verbis fortasse, mundaiores edere, aut alio, quam nos exemplo, cum diuersum sonantibus libris vteremur, ornatiores extundere. Nobis nouare omnia integrum non erat, neque propositum, cum isto

P R A E F A T I O

velut alternis certare. Non tamen facere ille potuit, quin corrupta fassus et manca fabularum in libris, e quibus scriberet, argumenta, deficeret in multis, quae parum recte apud eum explicantur, aut frigida breuitate adstricta iacent. In quibus spero equidem, dum antiquis ingeniorum vestigiis pressius insisto, ac veritati litterarum, quantum licet, seruiro, meliora, quam ille, me repraesentare multa.

Versuum quoque iambicorum ratio et figura, quam tenuit poeta vetus, ante hunc persona Phaedri facetum, a me, nisi me omnia fallunt, liquido deprehensa est, atque carminibus his expressa. Non erat illa perspecta neque servata siue Perotto, seu quicumque Phaedri figulus est. Potuerat igitur poeta vetus senariis legitimis expedire Aesopias totas: sed abstinuit, fecitque sapienter. Nam pes ille sui similis toto libro decurrens, nimis que incitatus, raperet lectorum studia, non ducere velut amoenis viarum spatiis, videretur: nimiumque haberet operae, ferretque, tanquam si delicias in re parua facturus scribas, taedium profecto sui. Trimetrus ille usus est summa cum ratione talibus, quales, recessuros ab epigrammatum propera ac festiua leuitate, medios que inter gravitatem tragoediae comoediae que humilitatem discinctam, argumentum fabulae plane poscebat. Cavuit enim prudenter, ne senarius comicorum fabulas scriberet, aut ne
eorum

P R A E F A T I O

eorum licentiam vlllo pacto admitteret: in quo mihi videtur reliquam illius saeculi diligentiam, quae rara in Phaedro, retinuisse atque exprefisse. Nam caussa, quae Comicis Latinis suafit, vt iambicos suos aut trochaicos infra omnem saepe numerorum suspicionem abiicerent, quo rectius pedestrem familiaremque sermonem referrent, ea nulla est in fabulâ Aesopia. quae, vtut familiariter, aliqua tamen cum cura, aliqua cum arte, a maioribus aetate fere solet narrari his, quos admonere illi volunt minores. Potest igitur pati mixtam facilitati quandam sententiarum grauitatem: quod etiam in comoedia secus est. In eo autem mihi videtur peccasse Fontanus, qui multas suarum fabulas sic narrat leuiter, tanquam si aliquis festiuus arefalogus, qui risum capta- ret, in circulo aequalium ista memoraret: grauis aliquis vir in magistratu constitutus, aut inter suos paterfamilias, has his verbis fabulas frequentare non auderet. Quanquam sic iudicio videatur instituisse nitidissimas alioqui fabulas: quia illis litteris, quibus vsus est, incertum habetur, si vlllo tolerabili modo expediti rerum narratio minutarum, sine tali veluti delicias inepto ioco facientium leuitate nonnulla, possit. Inserta enim sunt interdum illa non linguis modo populorum, sed saeculo quoque et moribus ita, vt, quae aliis trita ac leuia, his decora videantur, sint que inuenti, qui etiam historiam sic scribere conarentur,

qui-

b 3

P R A E F A T I O

qui que Hetrusci sermonis formae hoc vitio darent vicissim, tanquam si procliuior ad ioci figuram alludendo sit constitutus. Sed profecto Latina fabula Aesopia vt admittit facetias, ita caritura iocis ineptiis que rectius expeditur. In Comoedia sermones porro quia agebantur ad tibiae modos, quae innumeros horum versuum numeros mirifice adiuuabat, quia Aesopiae fabulae recitabantur in scholis otiose, facile apparet, quod alteri generi decorum sit, alteri vt item sit, fieri non posse. Epigrammatum numeris propiores Aesopiae fiunt: non Comoediae. Quod autem inter *senarios* ac *trimetros* fines aliquos regundos esse arbitror, et ab utroque distingo tertium genus, *senarios Comicozum*, qui tam diuersi sint a *senariis* priuo vocabulo dicendis, quam a *trimetris* separandi *trimetri iambei*, facio, nisi fallor, cum ratione, fidem que secutus et auctoritatem veterum. Terentianus, cuius magni apud me alios que, propter doctrinae constantiam, verba fiunt, diligenter ac perspicue, quid interesset, exposuit:

Vides, vt ista verba raptet impetus,
Breuem que crebra consequendo longula,
Citum subinde voluat ARCTIVS sonum
Iambus. ipse SEX enim locis manet,
Et INDE nomen inditum est SENARIO.

Sed

P R A E F A T I O

*Sed TER feritur: HINC trimetrus dicitur,
Scandendo binos quod pedes coniungimus.*

dein post pauca :

Sic fit trimetrus, qui fuit senarius.

Priores ille horum versus vsque ad quintum exempla senariorum praebuerat, iambis sui similibus senos ictus reddentibus : sextum et septimum versum, qui spondeos admiserunt, exempla trimetrorum, quo de genere praecepta edunt, non iam pedibus sui similibus sex, sed metris videlicet tribus censendos. In senario non metra copulantur : nam non est opus duos hic coniungi pedes, ut genus appareat, quod initio statim proditur. non expectandus est pes secundus, ut metrum, quod sit, dicas. Quo pacto vero Terentianus hos versus numeris suis praeceptorum sententiae respondentes fecit : ita quoque quem singularem posuimus, quia partim trimetrum memorat, partim senarium, diuisit : ut prior de trimetro pars trimetrorum legibus esset composita : altera, *qui fuit senarius*, senarii legem seruaret. Possit aliquis malle apud eum rescribere,

Si ter feritur, hinc trimetrus dicitur.

Sed sic quoque, ut edidimus, satis certa sunt omnia. Longo ante tempore Cicero, dum

P R A E F A T I O

senarios dicit, atque cum eis *Hipponacteos*, id est, scazontas, componit, facile intellegitur, non alios, nisi totos iambis senis incitatos, dicere, tanquam similiores scazontibus: non quosvis maiore licentia fusos trimetros, quos diligentia oratoris vix vnquam cauere posset: nedum vt oratio comicis versibus prope innumeris similior, si qua forte existeret, vitio verteretur. *Senarios vero et Hipponacteos*, inquit, *effugere vix possumus. Magnam enim partem ex IAMBIS nostra constat oratio.* Puros ac perpetuos ad versum concludendum putat. Nam, si Comicarum *senarios* diceret, potius scripsisset, *non possumus: nullo pacto possumus*: neque tum ex iambis constare orationem fateretur: sed etiam ex eorum pedum vicariis, spondeis, tribrachis, dactylis, anapaestis, qui frequentius in Comico genere sparsi apparent, quam iambi. Quod autem dixi, comicorum similes versus in oratione Latina prosa caueri nullo pacto posse, cum notum est his, qui vtrique rei studium operamque aliquo tempore dederunt, compositioni oratoriae puta ac versibus pangendis: tum id maxime hic suo, vt saepe, exemplo Cicero probat. Nam proxime ante illa verba tetrametrum catalecticum, qualem Comoedia admitteret, effudit,

*Sed non attendimus, neque exaudimus
nosmetipsos.*

ne illud, quod ista sequitur, vrgueam:

Par-

P R A E F A T I O

Partem ex iambis nostra constat oratio.

Hoc, quam parum absit, quo minus in trimetrum scazonta recte modulatum exeat, qui sentiunt numeros, vident. Non igitur qualescunque licentia comica versus, qui non possunt, sed vix caueri senarios veros, iambis sui similibus senis, ait. Verum quod idem paullo ante, *Comicorum senarii*, inquit, *propter similitudinem sermonis sic saepe sunt abiecti, ut nonnunquam vix in his numerus et versus intellegi possit*: eam sine dubio vim habet, ut iuncta verba, *Comicorum senarius*, longe aliud significarent, quam si priuo vocabulo *Senarius* indicaretur. Prorsus ut Horatius iunctis item verbis *Trimetros iambeos* appellari scripsit, qui aliquid amplius essent quam trimetri: hoc est, senarii. *Iussit iambus*, inquit, *trimetris ad crescere nomen iambeis*,

- - - *cum senos redderet ictus:*

quod est senarii proprium, non trimetri, qui tres ictus reddit.

Primus ad extremum similis sibi:

quod est manifestum, atque senario soli conveniens, non trimetro. Ita que apparet *trimetrum* ab eo vocari, sed *iambeum*, quem Terentianus finit *senarium* esse, non trimetrum. Quid, quod mox Horatius Accii atque Ennii *trimetros* dicit, qui certe nullo pacto erant tri-

P R A E F A T I O

metri iambei, aut senarii, e sententia grammaticorum appellandi. Illi enim Accii Ennii quæ trimetri, non modo dextris locis, qua trimetris licebat, verum etiam sinistris, vel Horatio teste, nisi fragmenta apparerent, rarum iambum habebant. Quare prorsus necesse est, interesse aliquid, veterum sensu, inter senarium ac trimetrum. Senarii, si me audis, exemplum optimum est, Latini quidem, in Phaselo Catulli, in quibusdam Horatii odis, in paucis præterea veterum epigrammatis. Trimeter alius communis erat, qui interdum in oda locum habebat, dein epigrammati, fabulae Aesopiacæ, aliis quæ talibus poematibus debebatur: alius Tragicorum, qui ampliores, quam ille prior, in dextris locis pedes iambi vicarios amaret. Sequitur Comicorum arte potius, quam licentia, abiectus ad imaginem sermonis meri senarius: qui nil nisi nomen senarii habet, intellegi ac censerî sex pedibus, nedum iambis, sæpe vix potest. Quamobrem doctum laboriosumque volumen de comicorum versuum licentia non recte Senarium priuo verbo inscripsit in Britannis Chr. Wase: debebat, *Senarium Comicorum*.

In eo quoque olim falsus fuit Perottus, aut quicumque Phaedri sub nomine fabulas edidit, quod putabat, illos abiectos Comicorum numeros non modo in scena, verum etiam in scholâ, recte frequentari, valere quæ æque in aliis

P R A E F A T I O

aliis quibuscunque carminibus eius licentiae figuram. Proinde in trimetris, quos esse putabat, suis, non modo imparibus locis spondeos, et quicunque spondei vicem funguntur pedes, sine ullo discrimine posuit, verum etiam paribus, ultimo tantum excepto loco. Ob id recte ut incuriosus ac negligens metri, quod Aesopis deberetur, a doctis viris non paucis reprehenditur: nam inscientia non fuisse ab eo peccatum, ostendi. Neque purgat eum, quod ait Hogstratenus in praefatione ad eius fabulas, et est verum; saepe poetam hunc aliquos sex aut decem valde pulchros numerososque trimetros reliquis parum modulatis interposuisse. Tanto ille enim peior poeta. Debebat autem, si semel comicam quandam licentiam discincto metro professus erat, similem sui numerorum figuram per totum opus custodire, non variari illud, velut maculis extantibus, et pantherinum, ut in Plauti comoedia seruulus alludit, facere. Quod si ad exempla vocari malis, nusquam in Comoedia, quod sciam, Terentius, aut in mimi prologo Laberius, frequentauerunt trimetros ordine plures teretiores inter reliquos comicae figurae versus. nihilo illi quidem magis, quam epigrammatum scriptores contra comicorum senariis similiores versus. Vnus interdum trimeter numerosior in Comoedia sigillatim, aut ad summum vno cum comite, positus lucet: multi simul vno in loco non item. Veram nisi fallor, atque unicam trimetrorum eiusmodi,

P R A E F A T I O

modi, quibus Aesopiae scribi debent, rationem tenuit vetus poeta, quem Antiquarum scriptor et Romulus considerunt. Illius hi versus, quales ex oratione istorum erutos inueni, plus ponderis, incitationis operaeque paullo minus, quam senarii legitimi, habentes, tam absunt a grauitate tragici metri, quam ab effusa comicorum licentia. Quod quale sit, quando ego quoque hoc exemplum secutus sum, edam. Simul in Antiquis Nilantii, aut in Romuli oratione hiulca, trimeter aliquis totus deprehenditur, quod fit subinde, non est talis, quales sunt, qui in libris quinque Phaedri leguntur plerique. Verum ille sic deprehensus locis paribus, qui et sinistri, iambos suos, vt iubet lex carminis, habet: imparibus ac dextris, cum iambo aut spondeo aliquos certos, non quoscunque spondei vicarios, pedes. Dextris locis, tertio, nunquam anapaestus: quinto, nunquam dactylus extat: iambus ac tribrachus omnibus peraeque, etiam quinto loco, in quo tamen ego ob causas rarissime posui, permittitur. Qua in re tota multum a tragicis abest. Sed Phaeder qualiscunque tam licenter his abusus est, vt non modo tertio loco saepe anapaestum, quinto saepe dactylum poneret: verum etiam sinistris, id est, paribus locis, excepto ultimo, merum frequentissime spondeon, ac spondei vicarios: quod soli Comoediae Latinae permissum, rationem trimetrorum, ac pacis naturam carminis euertit. Contra deprehendi nuper, cum exempla con-

quire.

P R A E F A T I O

quirerem, Faernum quoque in Aesopeis olim ferme seruauisse meam, de qua memorauī, non Phaedri, quem dicunt, formulam. At illa mea sine dubio antiqua et vera est. Veniamus ad vestigia metri, quae impressa sunt in Antiquis a Nilantio publicatis. In nona continuo eius editionis fabula legitur trimeter totus teres, et ad illam legem probandus.

Nunquam fidelis cum potente societas.

Idem versus exemplum est tribrachi in quinto. Alium ponemus ex oratione prosa fabulae x v exceptum, item recte tornatum, qui praestat spondeon in quinto,

O quis tuarum, corue, pennarum vigor.

Duo sequuntur sumti de fabula x x i, quorum prior exemplum est iambi in quinto:

*Ranae vagantes liberis paludibus
Clamore regem flagitabant ab Ioue.*

Rursus ibidem anapaesti in quinto exemplum:

*Motu sonoque terruit pauidum genus.
Illae timore posito certatim adnatant.*

Ponemus item alios similes versus ex oratione soluta voluminis Antiquarum passim delectos.

*Auxilia cum requirit, exitium inuenit.
Tumens inani graculus superbia.
Illi impudenti pennas eripiunt aui.*

Qui

P R A E F A T I O

Qui tamen versus contaminatus, vt multi, videtur. Labascit enim quarto loco metrum. Meliores isti,

Contentus istis si fuisses sedibus.

Ne gloriari libeat alienis bonis.

Potes meis te comparare laudibus.

Tu non videris perdidisse quod petis,

Te credo surpuisse quod pulcre negas.

Hic se per auras sustulit penna leui.

Vt vidit asinus, tali eum irrisit modo.

Questuque vano clamitantem interficit.

Hi versus omnes ex oratione prosa Antiquarum nullo negotio delecti, atque alii eorum similes, quos inde suapte opera, quisquis abuti otio voluerit, conquirere, si sit opus, potest: aut partim in nostris fabulis, conferendo Nilantii libro, repetitos inuenire: hi igitur versus omnes, quoniam plane ad eam trimetri legem, quam supra scripsi, numeris suis respondent, nunquam temere factum dicas, vt hic maxime, neque alii multo plures abiecti solutioresque metro licentio-
re, quales in Phaedri libris plurimi sunt, in hac quoque epitoma frequententur. Sed sunt hi velut aliqui canones numerorum, quibus fabulas vetus ante Phaedrum poeta adstrinxisseprehenditur, simul argumenta non sinceri operis Phaedri, quod hinc ortum, cum ostendet sumtos de epitoma trimetros frequentes, et praeterea multos eorum dissimiles, scabros atque abnormes, qui in epitoma in litteras non sunt

P R A E F A T I O

sunt relati, numeris ac verbis distinguit vetusta ac vera ab adulterinis. Qui enim fieret, si ille poeta vetus hos etiam scabros vsurpasset, vt non hi quoque in oratione soluta frequentes apparerent? quod non vsiuenire, si quis adspiciat, manifestum est. Possis fortasse aliquos paucos eiusmodi, quodam errore intellegendi, inde item eruere. quod equidem dissimulandum non puto: atque adeo id prae me fero, vt infra in Commentario aliquos tales ipse producam. Verum, si propius eos intueare, temere ad eum modum natos potius in epitoma describenda, quam compositos a poeta vetere, agnoscas. Facile enim fraus in metro eorum intellegendo latuerit, cum verbum pro verbo alio ponentes, qui epitomen faciebant, aut loco mouentes aliqua, possunt speciem qualiscunque senarii comici reliquisse falsam; veros, quos inuenerant, trimetros saepissime euertisse. Non ideo temere versus, qui apparent in eorum oratione, sinceri ac traditi a poeta omnes sunt habendi. Casu reuoluti ad aliquos numeros, non arte facti subinde insunt: quos equidem diligenter adspiciendo mihi discernere a veris visus sum. Eorum quibusdam deceptum etiam Perottum puto: deinde horum exemplo alios item scabros negligentius adiunxisse illis, cum sibi recte aemulari Comoediae licentiam Latinae videretur.

Ego, vt modulatiores edere omnia sum conatus, ita, si Latina etiam pleraque, et faceta prae illis fecerim, si Musis Gratiisque, quod concupiui quidem, hac opera suscepta litauerim,
alio-

P R A E F A T I O

aliorum iudicium esto. Hoc etiam videndum est, quando honestissimorum virorum prolixè de ingenio nostro existimantium cura, dum operis suis ac machinis librariam scripti negotiationem optime exercent, tam belle nitideque, formis atramentisque tam bonis, certante cum praelis clarissimorum artificum elegantiâ, opus nostrum quaecumque exscriptum publicatur: ut ei diligentiae laudandae nonnullus quoque in rebus, in sententiis, in verbis situs nitor respondeat, victurum que et gratum eruditis hominibus volumen reddat. Cuius rei nonnihil si videbor affecutus fuisse, ut non soleo certe oscitanter ac somnulosè omnia scribere, rectè positum, quidquid est operae, putabo. Eas vero animatas ferè alio spiritu reddo fabulas, quas Nilantius Antiquas appellavit, neglectis paucis, de quibus, nitescere ingenio verbis que commodis posse, desperabam. Accedunt Romuli nonnullae. Sed in qualicumque Phaedro leguntur aliquae praeterea minime Aesopiac, nec illae, meo quidem animo, probandae. In his nostris quoque frequentamus earum aliquas paucissimas, quas rectè inuentas non putamus. Quod si mea sponte inveniendi mihi argumenta essent, non reddenda vetera, alia eas figura refectas lubentius dedissem. Habet istud fabula Aesopia, ut cuique animanti sit oratio tribuenda secundum eius naturam convenientissima, ut, quidquid agere solet ac moliri in silvis fera, aut sub tectis pecus, sermo eius ostendat. Qua in re saepe miris modis peccant nostri hodie canticorum vulgari-
um

P R A E F A T I O

sane munda ac faceta. In aliis argumentis, qua adstrictiorem copiam epitome praebebat, ipse quoque vitio brevis est aut mancus. Est quoque, ubi vitia librorum ac describentium peccata recepisse in trimetros suos ferme arguitur, qui ne verba quidem plurima scriptor inuenisset, sed referret. Quas vero illi in suis membranis defuisse, allectas a me de Nilantii copia, fabulas prodidi minime malas, earum aliquas corollarium Phaedri, cum publicarent, grammatici fecerunt. Eas periisse de Phaedri corpore putant. Ego vix inducor, ut credam periisse. Sed non inuisse has in epitomis fabularum, quibus Perottus vteretur, autumo. Earum una in Perotti libro ipsius, qua Epitomen fabularum versibus scriptam profitetur, non olim est inuenta, similima reliquarum: at hanc quoque se fecisse eo libro, ac tantum non chirographo, ait Perottus. Una in trimetros qualescunque non satis luculenter redacta a Gudio V. C., quem etiam alias multas ad metra, quae putabat, reuocasse fides est: sed intercidisse illum commentarium aiunt. Multas harum fabularum Nilantius quoque deterius, nitide Burmanus expressit, de quibus infra in Commentario nostro quaedam. Meas ego non ex illorum ingeniis, verum ex oratione Antiquarum et Romuli, ea feci ratione, de qua supra edisserui. Apparebit inde, quid diversis visum sit, quid licuerit in commune venientibus. Si modulatiора aliqua ex his, si vineta magis, aut sententiis ampliora: bonum scilicet poetam oportet fuisse illum veterem, e quo ista
tam

P R A E F A T I O

am varie petita sunt. Nam hoc subeundum est
iſcrimen, vt mea cum Phaedri libris comparen-
tur, non modo cum illis recentibus Burmani
tque aliorum. Poſteſt ſane accidere, vt ille
incat in quibuſdam, vbi alios meliores libros
ſcutus, aut ingenio forte vſus eſt rectius. Sed
i reliquis obtenturum me apud aequos iudices
pero: aut hoc ſaltem fore, vt oſendiſſe videar
nuiſtis argumentis, neque proſus bonum atque
tile illud fabularum libris quinque opus, neque
omnino ſincerum, neque totum antiquae notae,
utandum eſſe.

Quod autem verbis adeo multis longa que
praefatione tempora eorum, qui legent iſta, mo-
tatus, etiam Commentarium fabellis in fine vo-
luminis adiunxi, non eo conſilio factum eſt,
quod haec noſtra egere interprete, aut omnino
anti eſſe, digna que enarratore aliquo poemata,
enſeam: nedum vt ipſe meorum grammaticus
et interpreter ſiam, eorumue inſtitutum probem,
qui ſua ſcholiis ipſi vendit. Sed ille primo
nomine commentarius, re aduerſaria, in diem
paratus, nihil magnopere enarrat, omitti que ſal-
ua fabularum ſententia poſteſt, aut lectus in
tranſcurſu, quo pacto facta ad vſum negotii ad-
uerſaria rebus tranſactis ſolent, conſcindi. Ni-
hil inde fabulae, ſi quid ſunt tamen, detrimenti
paſſurae. Nam et ille commentarius, et haec
longa praefatio ſcripta fuit, non vt commenda-
rent illuſtiores que redderent vlla lege verſi-
culos meos, verum neceſſitate impoſita, vt inno-
centiſſimas noſtras pro republica vigilias lucu-

P R A E F A T I O

brationes que ab obtreftatione defenderent, honestatem que ac simplicitatem candidam propositi operosius, ac per partes eundo, aperirent. Liceat vero extollendo litterarum honore, augendo per fas et aequum doctrinae sine, officium fecisse: quoniam ea conditione viuimus, vt, si quid vtiliter conamur in artibus praeclaris, non de fructu laudis, nedum de vlllo compendio, in praesens cogitandum sit, sed contentis posteritatis iudicio, et conscientia facti, paranda aduocatio beneficiis verbosa, ne pro crimine apud multos ingenium sit. Quid erat enim, per sanctimoniam artium bonarum, certe numinis divini praemium; quid habebat periculi, aut fraudis in quenquam, de poetae cuiusdam temporibus, de verbis illius, de Phaedro denique, quaesivisse? Sed quam multos, quam iniquos, quam remoto ab humanitate animo homines, ea re offendimus? Quam honestum porro, cum ingeniiis vel veterum, vel qui putantur veteres, certare? Attamen, quoniam hoc quoque nulla nostrae culpa male animatis invidiosum, si adprobo fabellas meas: sin non adprobo, vincit que bene meritum obtreftatio, quam illis ineptum videbitur vel voluisse certare? Factum tamen spe futuri periculum est. Voluntas certe optima. prodesse literis cupimus, diligentia ac fide summa in qualicunque opere versati. Vide de his fabellis, quicumque legis, ne quid temere. hoc tibi praestandum est. quae mei erant muneris peregi, vt eo nomine possim adquire scere securus.



IOH.



IOH. FRIDER. CHRISTII
FABVL. VET. AËSOPIAR.

LIBER PRIMVS

P R O O E M I V M



In quo laborat omne nomen fabulae,
Vt sermo pectus hauriat salutifer,
Figura mentem tecta multiplici petit
Agitat que fraude, tenue discrimen mali,
Quod saepe fallit, apta tradere ac boni.
Nunc vtriusque noxiae, mali ac boni,
In homine fons est. Munus ergo viris bonis
Propriae feruntur fabulae, malis malae.

A

Ita

Ita comparamus. Pluribus malae malis,
Raris dabuntur hominibus paucae bonae:
Vterque noscat copiae vicem suae.
Plerumque multi praemiis rectum putant:
Diuerſa vitant exitus mali metu,
Et vera discunt ſegniter, qua lex iubet:
Sed qua poetae muniunt anfractibus,
Via que veri carminum infidias locant,
Exempla quiuis arripit celerrime.
Quibus adiuuande ſcilicet, promptus parum,
Extante vitae in beſtiis imagine,
Natura quae relinquat, aut petat, vide.

Hac fine paucis iuuat edere fabulis
Me nunc terentem ſemitas minime nouas.
Relata falſis facta vera vultibus.
Latina reddo e turbidis, qua nunc minor
Fauet Albulae meatus, ac vati venit
Muſam ſecutus lenis Egeriae liquor.
Tu geſta credes tradiſſa Aeſopi fide,

Qui

Qui Graeca quondam, laude dignus pluriina,
 Dedit ampliora. Rapuit haec obliuio,
 Et fortium ruina tempus inuidum.
 Formas ferarum prodidit loquentium,
 Chori que vulpem fecit inuenti ducem:
 Vt sub figura redderet mores suos,
 Voces que, stultae ciuium superbiae,
 Varios que casus, ac brevis vitae vices.
 Nam fabularum discito natas strophas,
 Vt inueniret pronius verum fidem
 Fallace falsi conditum sub illice.
 Vt ficta rerum mollius mentes petant,
 Nudata quam si dicta veris asperes.
 Falso ille creber recta lecturos monet,
 Monstrat que honestis additam calumniam
 Ab improbis, et gloriae laqueos, viris:
 Et plena fraude miseriis que fora omnia.
 Virtutis inter ista sed constantiam,
 Dum res superbo vana consilia excutit,
 Praebere firmum pauperi quamuis statum.

4. F A B V L A E V E T.

Maſtare veri ſtriſta fulmina denique
Meliorẽ vitam, blanda quam laus, exitu.

Sollers figuræ regula, ac ratio boni
Specimen quẽ moris, quæ ferarum vocibus
Ingenia vatũ doſta reddunt optime.

Hos inter aliquis Phædri habetur nomine,
Non ille durus: nam facetum exiſtimo;
Sic veterem, vt edidere doſti, non puto.
Quare ipſa, quæ nouarat, eruo e libris,
Quibus uſus ille, cuncta per veſtigia
Et verba prima, et res, et ingenium viri,
Vt ſalua duret litterarum veritas,
Sequor ac reſingo. Magna ſi non protinus
Ac ſcitiora reddo iniquus omnia:
Antiqua certe, et optima, vt fuerant, fide
Sincera præſto. Quo, quid ille omiſerit
Boni, patebit, et, quid addiderit mali,
Sua dum paratis dicta miſcet fabulis,

Sæpe

Saepe idem Iambi celeris haud veros modos.
 Sed quaecunque reddimus, quia candide,
 Nec te malignum carpere inuidia decet.
 Pueros virosque frugis augemus bonae
 Saltem libellis . pagina fumes breui
 Quo commeatu Sortis eludas minas,
 Clypeo que recti tecta gestes pectora.
 Viues solutus, purus admissi, metu,
 Inimicum in animo, quod paueas, nil habens.

Aequis Athenae temperatae legibus,
 Seruare certae mutuas iuris vices,
 Ratione potius rem tenebant, ac metu:
 Animi que patrum recta ciuili modo
 Ad vota facti, nunc regebant omnia,
 Nunc se regendos deferebant ciuibus,
 Quos lex praeire iusserat, vel mox sequi.
 Hanc aequitatem sustulit potentia
 Paucorum, ut omnes regna iam mallent pati.
 Iam voce multa flagitabantur dii,

6 *FABVLÆ VET. AESOP.*

Vt mitterent, qui vi malos compesceret.
Existit vnus, plebis ille primum amor,
Mox magnus. aequè terror optimis viris
Nec iure factus, atque iure pessimis.
Vtrinque poenas exigit, praedas agit.
Non ille morem saeuus vltra regium,
Sed quatenus res omnis infuetos grauat,
Athenienses angit in miserum modum.
Languent priorum cuncta laude temporum.
Aesopus illos inter ista creditur
Solatus hisce, quas citabo, fabulis.





F A B V L A I

Ranae Regem petentes.



anae vagantes liberae in paludibus
Clamore regem flagitabant ab Ioue,
Qui cuncta sub ius vnus acciperet suum,
Ac dissolutis moribus legem daret.

Vulgi innocentis stulta risit Iupiter
Lusit que vota . truncus exesae arboris
Rex est, tigillum: quod cito accidens, graui
Motu sono quē terruit pavidum genus.
Limo sepultae cum laterent ceterae,
Metu vna victo tacitum aquis effert caput,
Viso que, mirum, rege, cunctas euocat.
Illae timore posito item omnes adnatant:
Mirantur: audent tangere: is nihil mouet.
Quid istud? Edas voce, si quid vis, rogant.
Vbi, quidquid vnda iacet, immotum vident,

Petulante lusu plebs ducem supra sedet.
Omni tigillum turba contumelia
Conculcat: vltro poenitet legis datae,
Poscunt que regem protinus Iouem nouum.
Iratu ille, quale contumax furor
Studium que vulgi segnis exemplum meret,
Pacata mutat regna, dum lento grauem
Suffecit hydruu. Dente rex acri breues
Ranas in altis facile corripieus aquis,
Vesci parata saeuus incipit dape,
Et pinguiorum rapta corpora carpere.
Fugitant inertes, voce praeclusa metu,
Nec iam malorum talium effugiu vident.
Mandata furtim lata Mercurio ad Iouem:
Desistat ille . nos perimus scilicet.

Concessa quando non bona audetis pati,
Modice feretis missa pro meritis mala,
Ne peius instet porro nec sperantibus.
Haec Iupiter consultus ac diui vndecim.



FABULA II

Gallus gallinaceus et margarita.

Dum gallus escam forte gallinaceus
 Sibi, farra, quaerit, vnguibus limum petens,
 E sterculino margaritam prouit.

Miratus addi fordibus cum stercore

Decus id, capillo virginali debitum,

Bona res, in isto quid iaces, ait, loco.

Non dignus hic te splendida: frustra nites.

Si te inueniret cupidus, auferret lubens,

Tua forma honori redderetur pristino.

Ego nactus escam scilicet, non te, peto.

Nihil repertae prodero: nil tu mihi.

Valet in superbum vatis illa fabula,
 Concessa quisquis dona non intellegit.



Lupus et Agnus.

Ad riuum eundem fertur agnus et lupus :
 Vt in remota parte deponant sitim,
 Diuerſa quique ſpatia per ripam tenent.
 Supra lupi vis: longe at inferior ſtetit,
 Vt biberet, agnus. Huic vt hoſtis litiget
 Quibus ciendae cunque rixae vocibus,
 Perturbat, inquit, ille aquas puras mihi.
 Reſpondet agnus, Qui queo, inferius bibens?
 Decurrit abs te per meos riſtus liquor.
 Non cedit ille veritati. Tu mihi
 Maledicis, inquit, menſibus ſex his modo.
 Sed natus illo tempore, agnus, non eram.
 Niſi tu, male ergo dixit ante tuus pater,
 Rabidum ſceleſta fauce concitus intonat,
 Siue aiat iſtud crimen ille, ſeu neget,
 Fatum innocenti triſte venturus lupus.

Iras potentum noſtra tangit fabula,
 Qui lite ficta ſaepe tenues opprimunt.



F A B V L A I I I I

Graculus inter Pauones.

Tumens inepta graculus superbia
 Pennas pauonum, quae ceciderant, sustulit,
 Ac pectus inde texit, et pedes, sui
 Contemptor ortus, splendidi gregis aemulus,
 Intra pauonum septa, qua falsus color
 Adiuuit, et persona, paene pauonem agens.
 Illi insolenti sumta detrahunt aui
 Gestamina, vrguent, morsibus nudum petunt.
 Hic veste rapta mancus, haud propriae potens,
 Euasit aegre, se que reddidit suis.
 Nec ius probauit publicum postlimini
 Mulcatus isto ciuibus propriis modo,
 Timidus que poenae, sponte nudatus sua,
 Domo reiectus, alteram subiit notam.
 Tunc vnus horum, quos prius despexerat,
 Contentus aptis si fuisses cultibus,
 Natura quidquid dederat vt posses pati,
 Ferres nec illam nempe contumeliam,
 Nec in hac repulsaе miseria, dixit, fores.

Non appetes sic, inuide, alterius bona,
 Vt ne tuis te viuere iuuet amplius.



FABV-

FABULA V

Canis exta ferens.

Viator amnem fors natatu transiens
 Ferebat exta rapta dentibus canis.
 Umbras profunda dum repercussas aqua
 Speculo dearum conspicit, formam sui,
 Aliam que praedam ab altero ferri putat,
 Eripere voluit. vnde capta auidi fames
 Dimisit offam, nec tenuit umbram leuem.

Sic saepe, quisquis alteram captas opem,
 Vacuus parata, luderis specie leui.



F A B V L A VI

Societas pecudum cum Leone.

Ouis, et capella, et vacca, quodam tempore
 Commune pactae cum leone in saltibus
 Ius, atque talem foederis socii fidem,
 Aequis ut esset partibus venatio.
 Ingente ceruum corpore aggressus leo,
 Deiecit, in commune proponens ferum,
 Fecitque partes omnium in praesentia:
 Sed praestitisse lege tali traditur.
 Ego posco primam partibus de quattuor,
 Quia iure credor nobilior ac vos, leo:
 Posco secundam nempe vobis fortior:
 Operam sequetur commodum, fors tertia,
 Qua plus cucurri: nemo quartam denique
 Tetigerit, aut se norit affici malo.

Hac voce doctus, o tenuis, magnos caue.
 Nunquam fidelis cum potente societas.



F A B V L A VII

Sol maritus.

E publico fur et decus, et amplam sibi
 Rem fecerat, dum lege plebem agraria
 Stultam beabat. Collocauit filiam
 Fur maior illi: magna gratulatio
 Peruasit urbem de tribuni nuptiis.
 Inuentus aliquis inter haec prudentior,
 Percipite ciues vestra, dixit, gaudia.
 Fit Sol maritus. orbis at conuicio
 Rogatus, auctor vt veniret nuptiis,
 Negat fauere Iupiter tantis malis.
 Sol vnus aestus, en, videtis quos habet:
 Natura vt omnis vnus face deficit?
 Quid erit, vbi ille procreabit filios.
 Non gratulandum temere rebus in nouis.



Lupus et Grus.

Os detoratum faucibus sedit lupi,
 Modis que miris belluam acgram exercuit.
 Tandem dolore victus, implorans aues,
 Mucrone rostri tantum vt extraherent malum,
 Proposuit ingens praestitae operae praemium.
 Persuasa sancto iureiurando lupi,
 Credens que colla longa Cerbereae gulae,
 Discrimen aditura medicam grus fert opem.
 Cui, quando pactum flagitabat praemium,
 Ingrata, dixit, ore quod nostro caput
 Incolume seruas, pretium habebis scilicet,
 Ne postulare plura cures insuper.

Qui pretia meriti ab improbis desiderat,
 Bis peccat: adiuuare primum dum malos
 Inceptat, et qua deinde poscit eos bonum,
 Natura quorum rumpitur, nisi dat malum.



Lepus et Passer.

Oppressum ab aquila, fletibus que grauem fuis
 Leporem admonebat passer. At pernicious
 Vbi nunc tua? leues ergo cessabant pedes?
 Tricare nimium, ignaue. curras, dum potes.
 Hoc te subire fecit insidias auis.
 Necopina frustra est passeris sapientia.
 Nam que ipse cautor capitur. Accipiter rapit,
 Questu que vano clamitantem interficit.
 Lepus ista vidit, mortis et solatia
 Nonnulla cepit inde, qua monitor leuis
 Errore in illo prensus est, quem corrigit.
 In damna nostra lusit importuna auis:
 Simili querela fata nunc ploret sua.

Plerumque cautor additus recte alteri,
 Vbi fraus in ipsum vertitur, parum cauet.
 Ne te ista damnet culpa, frans etiam vide.



Lupus et Vulpes Simio iudice.

Furti dolosam vulpem avarus arguit
 Sumfitque simium arbitrum raptor lupus.
 Sedet ille: stantes, vera dicant, admonet.
 Agit petitor, ac ream vrguet acriter,
 Fori que ritu plurimum excipit rea,
 Negat que factum. Velle denique simius
 Proferre causam tali ait sententia:
 Tu non videre perdidisse, quod petis:
 Te credo sustulisse, quod pulcre negas.
 Si fraude pravi vita claruit semel,
 Mox, vera quanquam dicat, amisit fidem.



FABULA XI

Cervus ad fontem.

In fonte cervus cornua adspexit bibens
 Magna, ac timendum vertice arduo decus.
 Laudare coepit: crura tenuia temnere.
 Mox hausit auribus vigil venantium
 Voces virorum; et cornuum mistos sono
 Graui minantium saeva latratus canum:
 Praecipite que abiit culta per et agros fuga.
 Et haecenus beneficio tutus pedum
 Silvas petiuit. . Quas, ubi intrat, ilico
 Properantem in arctis vsque ramis arborum
 Morantur alta ac prodidere cornua.
 Hic imminens a moribus fatum ut videt,
 Pedum salubrem gratus effert fero opem;
 Decus execratur capite pestiferum suo.

Habet omnis illam vita nostra fabulam:
 Solemus, acti turbine erroris graui,
 Humanitati qualis infirmae nocet,
 Ancipitibus gaudere, vera spernere.



FABVLA XII

Coruus et Vulpis.

Positum canistro coruus aufert caseum,
 Sedetque rapto vsurus alta in arbore.
 Rem conspicata vulpis, ac praedae appetens,
 Datura que illi verba, sic coepit loqui:
 O quis tuarum, corue, pennarum vigor?
 Si vocem haberes ampliorem, non foret
 Te praepetum vel oscinum vlla auium prior.
 Vocem ampliorem gestit expedire auis:
 Sed ab insolente praeda rictu decidit:
 Simul hanc dolosa vulpis adfilit occupans,
 Ac denique oscen fraude captus ingemit.
 Quicunque ineptus laude ducitur leui,
 Sapit ille stulta sero poenitentia.



FABULA XIII

Canis calumniator.

Calumniator dixerat canis haec oui:
 Tu debitum refunde libi mutui.
 Debere quidquam mutui innocens ouis
 Negat. profecto se dedisse ait canis.
 Ad iudicem itur. ille testes exigit:
 Habere testes actor hunc et hunc ait,
 Ducens fodales miluum canis et lupum.
 Debere liba vterque iuratus refert
 Ouem. dedisse se canem praesentibus.
 Sic illa falsis victa testimoniis
 Accepta nunquam liba reddere cogitur.
 Sed, vnde soluat iudicatum, non habens,
 Vestem coacta velleris niuei vnicam
 Instante brumae misera vendere fidere.

Sic vndecunque diuitum calumnia
 Nudam relinquit pauperum innocentiam.



F A B V L A X I I I I

Canis et Scrofa.

Instante partu nixibus rogat canis
 Suem cubile . Scrofa de suo locum,
 Qua parte tuto foeta deponat suos,
 Concedit . illa tempus amplius rogat,
 Dum firmiores viribus catuli exeant .
 Etiam hoc roganti praestat. At, longa est mora,
 Nec migrat illa . denique haec repetit locum.
 Canicula magno irata cum stomacho refert:
 Nobis molesta quid venis? Quod si mihi
 Meisque pugnans esse par catulis potes,
 Cedemus aliquo, cum libebit, tempore.

Nimis benignos admonebit fabula,
 Ne largiantur impudenti audaciae:
 Scelus aliorum nutriant damnis suis:
 Neu sint, egentes ipsi, eis ludibrio.



FABULA XV

Canes famelici.

Inuncta sueti saepe lora mandere,
Depressum in alto flumine corium vident,
Atque, vt celeriter extrahant, properant canes.
Sed rostra multum detinet fusus liquor,
Ne possit vlllo merfa res tangi modo.
Igitur bibendo quidquid vrguetur super,
Remouere tentant spem retardantis aquas.
Sed ante ruptis turba pereat lactibus,
Quam rem petitam absumtus exhibeat latex.

Quisquis negatis vanus inceptis manus
Maiore viribus opere graues inserit,
Nil praestat : aliis luditur : perit sibi.



F A B V L A X V I

Leo senex et Asinus.

Defectus annis, destitutus viribus,
Leo iacebat spiritum extremum trahens.

Gesturus illi^{us} bella dentis fulmine,
Et par recepto redditurus vulneri,
Venit aper : vrsus vnguibus fidens venit.

Depulsus aptis saepe fremitu pascuis
Hostile taurus cornibus fodit latus.

Ignauus illa facta asellus dum videt

Impune sic abire, miratus aedit,

Strictis tremendum calcibus regem petens.

Leo ingemiscens denique indigne tulit.

Natura, dixit, tale nobis dedecus

Ergo parabas, vltimis vt sim iocus!

Dum salua virtus, omnium steti metu,

Et vasta fecit cuncta circum opinio.

Quibus peperci, quasue contemsi feras,

Hae nunc quoque ipsae laedere aegrum gestiunt.

Qui me tegebat cessit ex animis metus.

Haec vana monstri turbulenti oratio

Benignus vt sis, quisquis es potens, monet.



FABULA XVII

Mustela et Homo.

Mustela murem fugere properantem capit,
Homo hanc vicissim. Capta, Parce mihi, rogat:

Per me molestis muribus caret domus.

Respondet, Id si gratia faceres. mea,

Gratum putarem: redderem veniam tibi.

Nunc ipsa mures, vt cito haurias, necas,

Atque insuper quascunque reliquias domi,

Quas omnis illa turba murium mihi

Vix leuiter est rosura, totas deuoras.

Noli imputare, stulta, beneficium irritum.

Ad hos refertur sermo, qui faciunt sibi,

Vltro que nobis imputant meritum malum.



F A B V L A X V I I I

Canis fidelis.

Hominis beati in tecta nocturnus parat
 Fur aditum, et offam panis obiicit cani,
 Quae fidi agebat liminis custodiam,
 Ut pasta sese ac tacita parcat prodere.
 Gratis ne panem porrigis, dixit canis,
 An hoc volebas, ut minor domino meo
 Et laesa donis nostra militet fides?
 Haec offa vocem nempe praecidet mihi,
 Pro rebus illis ut sonet submissior,
 Mea que nunc tu fraude compares lucrum.
 Nam panis aliter praebiti ut reddam vicem?
 Sed finge, si factura: num posthac mihi
 Praestabis eadem cuncta, ne moriar fame,
 Quae semper ille, cuius excubias ago?
 Neque te daturum, nec vel alios, censeo.
 Hunc deferenti nemo credet postea,
 Meruit herili qui meam cibo fidem.
 Pro munere, fuge vrguere, perfidia vicem
 Non redditura, nostra nolo prodere.

Fulgens repente grata liberalitas
 Stultis videtur, sed peritis irrita est.



FABV-

FABVLA XVIII

Rana et Bos.

Vix rana viso pascere ad lacum boue,
 Liuore tantae tacta magnitudinis,
 Tumuit retento viscera intra spiritu.
 Mox visa profecisse flatibus suis,
 Exempla natos poscit vt modo conferant,
 Dicant que matri, si sit altior boue?
 Illi negabant . amplius tendit cutem,
 Rursum que quærit, Altior ne sic quidem?
 At bos, fatemur, maximis superat modis.
 Dum nititur differre membra valdius,
 Perit effluente rupta misere spiritu.

Exempla cautos ista reddant infimos,
 Ne cum potente sumtibus certet minor.
 Imitatus illos rumpitur plerumque inops.



FABVLA XX

Canis et Crocodilus.

Vulgata habetur litteris opinio,
 Qua Nilus alta labitur tumens aqua
 Crocodili auari semper anxiiis metu,
 Possint vt acrem belluae exire impetum,
 Canibus bibendum perpetim currentibus.
 Ita dum cucurrit margine immodestius,
 Coepit que dulcis admouere haustus aquae,
 Admonita quondam fertur a monstro canis:
 Noli vereri : at otiose, dum lubet,
 Quacunque parte fluminis propior bibe:
 Turbabo nullo praebitos latices dolo.
 Respondet illa, Quod iubes, facerem, ac lubens,
 Nisi te caninae crederem cupidum nimis.

Apertus hostis praua consilia applicans,
 Et ludit operam, et luditur damno suo: .



F A B V L A XXI

Vulpis et Ciconia.

Coenam datura vulpis est ciconiae.

Vocata postquam, quo solet, venit gradu,

Disco in patente iurâ forbitiunculae

Inuenit, oris vnde mucro buxei ..

Ac tenta longe rostra nil caperent sibi.

Positum istud, et nil postea in coena breui.

Auis esurire irata : mox pudens abit.

Vulpem Ciconia, mora parui temporis

Cum transiisset, lege non alia vocat.

Positum in lagona praebet, ac sumit cibum

Prior ipsa : vulpem hortatur, vt rostrum inferat.

Dolosa vulpis inuicem carens cibo,

Iniuriae ipsa sensit ingenium suae.

Auis addit istis, Ecce, quae dabas, habe :

Aut parce, si indignaris, exemplo tuo.

Derisor vsque quem libet ludos face :

Debere sed te cuique ludibrium puta.



F A B V L A X X I I

Canis et Vultur.

Tumulo vt sepulcri mixtum humo cinerem riuunt,
Hominis que nudant ossa, vultur et canis,

Inuentus est thesaurus ingens, Manibus

Non aequa laeso iure cogitantibus.

Ex hoc scelestâ cupiditas auri cani

Obiecta, moto vt penderet poenas sacro.

Dum seruat aurum sedulo, oblitus cibi,

Defecit inedia. Illius comes haec ait:

Infana vota, qui iaces, merito luis,

Quia concupisti regias animis opes,

Triuiio creatus, educatus stercore.

Auare, te, te tangit hoc. Peris prius,

Quam possidendi cesset impius furor.



FABULA XXIII

Aquila et Vulpes.

Vulpina tentans antra, vulpis extulit
Catulos cubili matris, vnguibus suis
Gestura pullis aquila promissam dapem.
Suppliciter illam mater orat, vt suos
Reddat sibi : immortalem tam fore gratiam.
Contemta tandem, genere et inferior loco,
Graui dolore vincitur, facem petens
Ardentem ab ara, vt arborem flammis cremet,
In qua rapinam et prolem auis habebat suam:
Mixture damnum hostile proprio sanguine.
Attonita donec tanto auis discrimine,
Incolume vulpi dum suum reddit genus;
Communione pestis eximit suos.
Vir diues iram pauperis lentam caue.



FABVLA XXIII

Columbae et Miluus.

Adhuc columbae facua bella milui
 Praecipite saepe vana reddiderant fuga,
 Exilio agrorum redimere assuetae necem.
 Stricto sub vngue saepe lapsae fugerant,
 Salute pennae celeritati debita.
 Vbi vidit armis genus inerme non capi,
 Consilia raptor vertit ad fallaciam.
 Sollicita semper turba cur, inquit, ducem.
 Creare cessas impigrum, vt vos vnice
 Defendat? et vel me create, si lubet:
 Iniuriae vos omnis immunes debo.
 Miserae fidem addunt dicto, et audent miluo
 Se credere. Ille imperia sacuis vnguibus
 Exercet, arripit que ciuium optimos,
 Facturus, aliquo iure, deditas aues
 Herilis aulae nempe legitimam dapem.
 Hinc vna, Cladi subsumus merito nouae,
 Dum sponte, ne fugiamus, accipimus malum,
 Monstro sub isto tenuem agentes spiritum.

Hac lege, quisquis credit hostibus metu,
 Auxilia quae putabat, exitium inuenit.



F A B V L A XXV

Cervus et Boves.

Strepitu fugatus cervus insidiantium,
Vt arte faeuos praecaueret impetus,
Quos vel virorum tela, rostra vel canum
Factura, tergis imminebant, ocius,
Qua proximam se villa praebuerat locis,
Trepido in bouilis testâ profiluit pede.
Narrare causâ bubus arreptae fugae
Instituit, ac, ne se indicent, rogat miser.
At bos, Vel hic te prodis ad certam necem,
Si forte nescis. Silua seruet rectius,
Vel si patentis ante plurimos canes
Deserta campi celere carpas vngula;
Hic, hic future inemtus homini iam cibus.
Tamen ille supplex, Me breui modo tempore
Celate: noctu tutus ibo quo libet:
Pavidum que in alta corpus abdidit strue.
Stramenta, foenum, eruum, omne pabuli genus,
Bubulci in vnam forte iecerant struem.
Huic plura portant vesperi: ceruum haud vident.
Quum se recepit in bouile villicus,
Lustrauit omnia: et abit inuiso fero.

Hoc

Hoc ille gaudens bubus agere gratias,
 Laudare, tutam quod darent misero fugam.
 Tunc vnus, Euasisse te cupimus quidem.
 Sed ille, qui rem curat vnus, qui videt
 Luminibus ista centum, ne videat, vide.
 Post verba dominus illa venit, et qui boum
 Neglecta nuper non probaret corpora,
 Culpat bubulcos, excutit praesepia.
 Haec vt vacare, et pabuli contra videt
 Positos acervos, tentat iratus locum,
 Sumenturus ipse frondis, vt bubus ferat:
 Simul intuetur celsa cerui cornua.
 Miratur. Hunc nos ynde nacti? interrogat
 Seruos vocatos. Quisque iurat, nil sibi
 Liquere. Non quaesita gaudens inuenit,
 Agit que lactos inde cum suis dies.

Hinc discite, dominum sapere rebus in suis,
 Non serua certe corda, ne, quod ipse agas,
 Mandare suetus talibus, male rem geras.
 Vigilant sibi hi plerumque: nobis dormiunt.
 Si deinde ceruum sic perisse etiam doles:
 Seruatur forte quisque, non merito suo.



C

FABV

FABVLA XXVI

Canis et Lupus.

Siluis amicus factus obuiam cani,
 Vt pastus omni pelle curata nites?
 Corpusculum istud vnde, frater? ait Lupus.
 Respondet ille, Diuitis custos domus,
 Contra dolosos nocte fures excubo:
 Si quis propinquet, voce fida nuncio.
 Ob ista multus administratur cibus,
 Et reliquiarum quidquid in tota domo,
 Seu carne superet, siue inunctis ossibus,
 Familia fautrix omnis atque blandiens,
 Dum copiam fastidit, obicit mihi.
 Nam diligor: nec desit vlllo tempore
 Lentum bibenti aqua bona: sub tectis cubo,
 Atque otiosus vnice vita fruor.
 Contingat o si talis otii mihi
 Vrsura, frater, praebita vt satier dape,
 Ac tutus intra tecta viuam, ait lupus.
 Canis, At licebat, inquit, et mecum veni
 Audacter, in meum cubile: ne time.
 Vna ambulabant. In via collum canis

Socius

Socius notauit a catena tritius.
 Interrogabat, Istud in collo, quid est?
 Nihil id quidem est, reponit alter . acrior
 Quoniam videbar, alligant interdium:
 Vagor solutus nocte, quantum animo libet.
 Ad quae, Valebis, ille, et vteris tuis
 Dapibus reuinctus . at mihi est nil his opus.
 Ego malo liber quidquid acciderit pati:
 Errare campis. Non catena, nec metu
 Vetabor, vt ne mille per siluas viis
 Coenatus ouibus auferar, ludam canes.
 Tu fuetus isto more: sed viuam meo.
 Non regna quacuis merear, vt ne sim meus.
 Miser profecto, sit, licet, ditissimus,
 Qui liberum esse velle, quantum sit bonum,
 Et posse se expedire, non intellegit.



FABULA XXVII

Scrutarius et Asellus.

Vt scruta vendat, properat institor in via
 Onusto asello farcinis, ad nundinas:
 Neu sine lucello septa calfaciat fori,
 Fuste ac flagellis caedit ignauum male.
 Hic morte saltem optauerat finem mali.
 Quassatus inuenire dudum: denique,
 Cessante nunquam fuste, plagis occidit.
 Sed nec malorum terminus vitae modus:
 Necatum iniqua consequuntur verbera,
 Fati que dura imperia post funus grauant.
 Nam cribra fiunt, ac sonora tympana,
 Et quidquid incessante quassum verbere
 In manibus vlllo sine modo ac pausa ingemit,
 De pelle miseri, cuius aeger spiritus
 Plagis recessit: vapulare vita erat.

Vox ista fati dicta mortali viro:
 Pugnare noli legibus fortis tuae,
 Ne, quo volentes duco, nolentem traham.



F A B V L A X X V I I I

Vipera et Lima.

In officinam lapsa cuiusdam fabri,
 Dum quaerit escam, qua iuuetur, vípera,
 Coepit iacentem forte limam rodere.
 Attridet illa, et, Quid tibi improba vis, ait,
 Meos ne dentes laedere, an minui tuos?
 Nam sueta ferrum rodere: aut, si quid magis
 Durum, asperumue, lene reddo, dum frico.
 Vix angulosa terga paullum torsero,
 Statim patebit, vtra mordeat magis.
 Ex ore dentes, vulnerare quibus meum
 Frustra laboras horridum stilis latus,
 Nullo labore, stulta, decutiam tibi.

Malus malum si fraudibus petit virum:
 Iniquo iniquus, durus instat ferreo:
 Non vincit: atteruntur ambo: beant bonos.



FABULA XXVIII

Musca et Formica.

Formica patiens operis, et musca irrita
Pensi mouendi vllius omnes in dies,
Certare verbis, vtra nobilior genus,
Coepere. Musca est orsa dicere hoc modo:
Potes meis te comparare laudibus?
Degusto prima, vbi immolant, libamina:
Ebur curule rex: ego regem premo:
Matrona quaeuis nostra sentit oscula:
Re qualibet, si libeat, ad summam fruor,
Contingit inde rusticae nihil tibi.
Formica contra, Nempe laudes, pessima,
Quas ipsa memoras, indicant mores tuos:
Vt inuocata accedis, et grauis omnibus.
Optata tu non ora regis attigas,
Matrona nec te roscidis circumferat
Turpem labellis: ni sine venia ac modo
Facias. At vnicuique es inuisa: vndique
Te stabra pellunt, publicam molestiam.

Aestate

Aestate sola si vales, hieme occidis.
 At me laboris prouidam tenet modus.
 In opère duro . frigus autem qua subit,
 Vtor paratis, laeta viuere de meo.
 Vices laborum dia mutant otia .

Sapis, instituti parce laudator tui:
 Facile obloquatur, rectiora qui sciat.



FABVLA XXX

Caluus et Musca.

In capite calui musca iam diu grauis
 Nudam capillo morfibus tundit cutem.
 Non parcit ille, perdere incautam volens,
 Alapa frequenti plectere immeritum caput.
 Inflicta ridet verbera ales improbus.
 Me propter in te, insane, saeui qua libet,
 Ait, et reflexa vertici insultat fuga.
 At caluus, Offers te, inquit, exitio, mala:
 Nam facile inecum, si tetigero, in gratiam,
 Decies vel ictus, redeo: sed si te semel
 Contingo, nulla es, ac peristi funditus.
 * Audacis ista fabula arguit viri
 Grauem immerenti saepius petulantiam.
 Euertit ipsum, quidquid alteri nocet.





IOH. FRIDER. CHRISTII
FABVL. VET. AESOPIAR.
LIBER SECVNDVS

FABVLA I

Canis senex et Dominus.



Officia semper grata praestiterat suo
Domino canis venator, hunc anni grauant
Aetate tardum : dentibus nullus vigor :
Nec naribus vis, quae sagax iuueni fuit.

Leporem secuto morsibus luctans lepus

Illaeus exit irritis, ludens canem

Longa per arua defatigatum fuga.

Iratus obiurgabat herus : at hero canis,

Aetate vires deferunt . animus mihi,
 Qui fuerat, idem . dentibus negor . fui .
 Sed quia recentis vsc quondam viribus,
 Quod eram probabas: alterum, vt possis pati
 Quod sum, vel haud sum, posco. denique, sis memor
 Vitae prioris, integra mihi gratia.

Ne iuniores fortium aetatem grauem
 Spernant virorum, fabulose mones canis.
 Benefecit olim . nunc pati, quia deficit;
 Aduersa, durum est. Tu quidem parces, tua
 Si quis probatus vsque senuit in domo.



Leo et Mus.

Mures, leone dormiente in saltibus,
Lusu ac licenter qualibet dum curstant,
Vnus quietae colla transfiliit ferae,
Non sponte . at vncis sentientis vnguibus
Obhaesit . Ergo supplici veniam prece
Rogat, et venire non putantem, nec dolo,
Impune reliquis hoc idem ludentibus.
Nec deprecari, tale si quid postea .
Leo cogitabat ista apud animum, Quid est?
Si tam pusilli elido vilem spiritum,
Crimen futurum, nulla facti gloria.
Dimisit igitur . Altero idem mox die
Foucae dolosae pronus in laqueos cadit:
Magna que captus voce mugitum edidit.
Ad vocem amici mus cucurrit sedulo,
Videns que factum, Nunc timere mitte, ait,
Nam redditurus venio beneficii vicem,
Quod

Quod praestitisti . nec mora , furialium
 Ingenja coepit artium , ac nodi caput ,
 Arroderet . exit vinculis liber leo ,
 Ingente parui redditus silvis ope .

Nemo innocentis tenuitatem spreuerit :
 Nam paruus , et si sit sibi plerumque inops ,
 Magno subinde maximis viris bono .



Homo et Arbores.

Facta securi fossor arbores rogat,
 Sibi de sua vi ligna, quae firmissima,
 Concedere haud grauentur ad manubrium.
 Oleaster hanc praebere iussus copiam.
 Illis dolandos vsibus ramos dedit.
 Homo impetratum ferreae manubrium
 Aptat bipenni, nec moratus, robora
 Ingentia omnium vsque caedit arborum.
 Permota damnis quercus infit fraxino,
 Exempla iure tanta perpetimur quidem.
 Armavit hostem nostra contra nos manus.
 Quid praestiturus pessimis, etiam vide.



FABULA IIII

Mus et Rana.

Aquae fluenta breuia tutius natans
 Vt transeat, mus paruus auxilium rogat.
 Ranae procacis. Illa vectoris fui
 Vlva reperta crure deligans suo
 Post se alterum tractura suspendit pedem.
 Emensa sic, et ille, fluminis vadum
 Prope medium scelestâ, mutata fide,
 Abit in profundum. foricis miserum trahens
 Per horrida loca spiritum, leto dedit.
 Consulta saeue certa Nemesis opprimit.
 Nam dum dolosa, caelum vt adspiciat, redit,
 Muris peremti funus innatans aquis
 Propter volantis praeda lucet milui.
 Is, mure rapto, nexibus ranam trahit
 Vluae tenacis, qua ligauerat pedem.
 Sic ipsa tristes, arte quos fecit mala,
 Ad aequa Fatis arbitria vocantibus,
 Comiti peremto iussa pendere exitus.

Hac saepe lege fraudis inuentor perit.



FABVLA V.

Galli gallinacei duo et Accipiter.

Cum fratre gallo nempe gallinaceo
 Certare gallum semper, ac vinci, piget.
 Vlcisci at acrem tendit aduersarium,
 Flagrantis irae vindicem accipitrem rogans,
 Staturus ab se vt alterum male iudicet.
 Caussam luccelli fuscipit spe, quod solet.
 Hoc aestimat, non iure, captus arbiter:
 Rapturus vndecunque litis praemia.
 In ius venit. Praetor actorem arripit.
 At litigator, Fallere, o bone: sum tuus.
 Illum ocius vero alterum rape, qui fugit.
 Tu sis, an ille, nil, ait, refert mea.
 Vtere iure, quod statuis in alterum.
 Sic saepe, laqueos ciuibz quisquis struit,
 Incautus arte capitur et mero suo.



FABULA VI

Cochlea et Speculum.

Dum se per herbam promouet lento gradu,
 Speculi in metalla tarda cochlea incidit,
 Quod forte, mundum dum suum gerit in via,
 Spreuit relictum pulcra ruri femina..

Splendore viso, leue quem argentum dabat,
 Amare coepit lucis haec miracula.

Orbe igitur omni luridum trahens latus,
 Amata delet inquinando amplexibus

Quaecunque vidit. Omnis ilico improbae
 Sorde ac saluius vultus argento perit.

Haec iure sentit ille, dixit finia,
 Calcare si quem talis hunc talem potest.

Stulti paranda virgo nuptiis viri,
 Aut vir proteruam id praecaue ducture anum.



F A B V L A VII

Grus et Cornix.

Grus atque cornix iunxerant sociam fidem,
Ab hac ut illa pelleret quascunque aues:

Cornix vicissim, ne pericla clanculum

A versipellis consilio hominis ac dolo

Illi venirent, abditum praediceret

Sortis futurae. Vberrimum delegerant

Circumuolantes omnibus locis agrum,

Ut inde natas vellerent radicitus

Herbas, et omne semen excussum in via,

Superante pastum copia, relinquerent.

Cui cura dudum credita eius est agri,

Quid agatur istic villicus videt, ac dolet,

Dicit que, Lapidem da, puer, subito mihi.

Praesentit illa, quid futurum, tempori:

Cornice iactum praemonente grus cauet.

Hac lege tale villicus quoque postea

Telum parabat: admonet cornix gruem.

Intellegit postremo, ait que, Monet gruem

Diuina cornix scilicet futuri ausis.

Mutetur ergo fraudis ingenium meae.

D

Quum

Quum dico, Crusti porrigas offam, puer,
Puerum admonebat clanculum, lapidem dabis.
Sic instituta fraude percussit gruem.

Haec vulnerata, At nunc vbi auspicii tui
Promissa, cornix, inquit, hoc nisi praeuides?
Respondet illa, Haud irrita ars, at maior est
Aliud ferentis ore, aliud animo, dolus,
Duplexque magnis caussa consilium malis.

Promitte, et idem redde, quod tua in manu.
Sed, si quis amplis fecerit verbis fidem,
Tu spe supina prosequi dictum caue.



F A B V L A V I I I

Hirundo et Aues reliquae.

A rare terram, lina conferere incipit
 Homo: et haec videbat multa auis saepissime:
 Sed nulla, quorsum coepta pertineant, videt.
 Ad se quid attinere? nauci non putant:
 Sentit futurum. fida ruris incola
 Ad istud vsque tempus, et sola adspicit,
 Capitale hirundo sola praecauet malum:
 Dicit que cunctis alitum conuentibus,
 En lina. quorum quando creuerit seges,
 Genus in volantum nulla pestis acrior.
 In membra nostra non videnda vincula
 Nec sentienti compedes duras habet.
 Quare eruamus omnibus semen modis,
 Prius atque radix lenta glebas prenderit.
 Cessatis? at vis nulla franget postea.
 Ridetur. Illae, Timida inepte, quid putas?
 Hoc tenue semen scilicet culmen feret,
 Quercus quod altas atque vincat populos?
 Ab aetheris nos sedibus quod detrahat?

Nec erit volatus ulterior, et montibus,
Ut nunc, relictis ad Iouis tendens domum?
Ita cauta hirundo, quod negatur, ne suis
Derisa praestet omnibus, praestat sibi.
Neu lina pedibus metuat insidias suis,
Fidelis hospes hominis in fidem venit,
Sibi pacta amica tegulis nidum in domo.
Aliae dolosis semper haerent retibus.

Monitum salubre quisquis audit prouidus,
Cum fors iniqua cecidit, adspicit et cauet.



F A B V L A V I I I I

Perdix et Vulpes.

Guttata perdix, altiore sedens loco,
 His lusa, subrepente vulpe, vocibus:
 Quae forma membris, quam decens facies tibi!
 Quam crura cerea! os que curalium velut!
 Dormire si liberet, esses pulcrior.
 Factura dictis, ne parum placeat, fidem,
 Dormitat illa: vulpis ilico arripit.
 Vigilauit illa mortis in discrimine,
 Permixta verba fletu et ista prodidit:
 Per te tuarum quaeso virtutem artium,
 Meum ante nomen ede, dein me deuora.
 Facunda vulpis editura, quam vocet,
 Diducit ora rictu, at ales euolat.
 Sic lusa fraude simili et artibus suis,
 Quid erat, quid, inquit, nunc opus captae loqui?
 Quid ora pacto dissuenda vlllo mihi?
 Quid immo nostra rettulit, perdix ait,
 Dormire, quando iusseras vigilem vigil.

Insulsa certe sermo tangit pectora,
 Quibus lubido, quando non opus, loqui:
 Dormire, quando maxime vigilare opus.
 Plerique inepte laudibus patimur capi.



F A B V L A X

Asellus et Bos.

Ibant sub vno asellus atque bos iugo,
 Ruri trahentes plaustrum iniqua pondera.
 Cessabat ille. Bos rogabat, Adderet
 Gradum. leuato pariter instemus iugo.
 Consortis vllis viribus leuamine
 Succurrere hic negabat. Aegris cornibus
 Multum grauatus, ac iugo immiti, vltimum
 Taurus laborans denique oppetit diem.
 Dum spectat istud, nec viam pro re inuenit,
 Non aliud, vllum remedium solis locis,
 Asinum bubulcus carnibus onerat bouis.
 Sic ruptus inter verbera ille item cadit,
 Pressusque pondere media exspirat via.
 Volucres rapaces additae praedae monent,
 Dares precanti mitiorem te boui,
 Nec nos cadauer ante tempus pasceres.



FABULA XI

Leo et Pastor.

Siluis oberrans, multa venatus, leo
 Humi iacentem forte calcat furculum.
 Praecutus alte stipes in laesum pedem
 Penetrat, sedet que . vulnus intus colligit
 Saniem . dolore manca claudicat fera,
 Quaerit que medicos. Omnibus late fugam
 Suadet rogando. Nemo belluae fidem
 Habere, nemo ferre sustinet huic opem.
 Tandem in reducto, qua nec effugium, loco
 Pastore viso, blandius fremens adit,
 Cauda que signa certa supplicis dedit.
 Timere noli, dicit, auxilium rogo.
 Non esca petitur, cura sed medicae manus.
 Simul reponit vulnere tumentem pedem
 Gremio stupentis, ista pacatus viri.

Animo recepto pastor hunc intellegit
 Magni doloris remedium deposcere.
 Incidit vlcus leniter nouacula,
 Docta que apertum vulnus exprimit manu.
 Pus atque morbi spina causa effunditur,

Leo que acerbo se statim sentit malo
 Totum leuari. Callidas viri manus
 Velut osculatus mulcet ac lingua fouet,
 Et gratus aliquo tempore medico affidet:
 Mox, nil vetante vulnere, in siluas redit.
 Post captus idem traditur caueae miser,
 Et pastor incusatus, haud meritum scelus
 Falsi piare criminis iussus nece,
 In proximis ad bestias ludis datur.

Enissae arena temere discurrunt ferae,
 Et praeter alia monstra seruatus leo
 Facit impetum in pastorem. at agnitum statim
 Defendit, atque voce, rictu, plausibus
 Caudae, pedum que, more adulantis canis,
 Beneficio testatus integram fidem,
 Circum tuetur, ne qua forte tetrior
 Infrendeat fera medico pridem suo.
 Illum veretur blandus, illius cubans
 Pacata rursus arma manibus inserit.

Haec, et vicissim blanda bestiarium
 Audere notae colla complecti ferae,
 Iam. populus omnis undique elatis videt
 Laudatque manibus. Causa quae mirae rei,
 Quae

Quae tanta, quaerit, belluae ac pietas viro.
Miratur eadem, et cuncta discit editor.

Tam pulcra, tam non ante visa in munere,
Laetatur: et, quod ciuibus vertat bene,
Nouitate facti motus et miraculo,
Parci imperauit iure mansuetae ferae,
Redire medicum illius incolumem ad suos.

Noli vereri, gratus ingratos tibi
Recte merendo quando saepius facis,
Ne pereat omnis rebus hominum gratia.
Merebor. Et si rarius remeat viam:
At pulcrius nil gratia, si qua redit.



FABVLA XII

Culex et Taurus.

A culice taurus prouocatur viribus:
Certamen ingens populus vt spectet, venit.
Culex rotundus delitens tauri toris,
Satis, inquit, habeo quod venis; hoc factus es
Mihî par, breuis que et ipse iudicio tuo.
Hic se per auram sustulit penna leuî,
Lusit que populum, omnes que destituit minas
Riualis arduum vsque iactantis caput.
Sed, ni fuisset molis immemor suae,
Ceruicis altae, et frontis armatae, et pedum,
Non gloriae tam stulta materies leui,
Culicis pudendi verba bos contemneret.

Detrahere famae quisquis ipse vult suae,
Certare laesus tentet indignis viris.



FABVLA XIII

Equus et Asinus.

Horrens polito ac diuiti phaleris equo
Asellus arctis obuiam fit semitis,
Ac transeunti tardius dedit viam,
Malo frequenti lentus atque sarcinis.
Breuem grauat' ille cedentis moram,
Contineo vix me, calcibus quin te obteram,
Et hic lutosi pror' foveis, ait.
Reticuit asinus, multa testatus deos,
Non voce, verum debili gemitu tamen.
Mox ille cursu ruptus in parua mora
Detrusus est in villam, agrestibus viris
Mercede parua redditurus hordei
Pretium parandi tergo. Onustum stercore
Vt vidit asinus, talibus risit modis:
Quid, gloriose, profuit quondam tibi
Phaleris poliri? Tanta iactabas, miser,
Rediture ad ista rerum? vt hac superbia

Mise-

Miserior esses, quanto eras conspectior.

Fortuna si qua blandius fauet, caue,

Ne te, futura quae dies vehat inscium,

Superbia agitet fratris incumbens malis:

Neu sponte tristes ad vices iniuriae

Miseri iacentis adde contumeliam.



F A B V L A X I I I I

Volucres et Quadrupedes et Vespertilio.

Pugnabat omni cuncta quadrupes aui
Ancipite rerum, sorte et armorum statu,
Ut victa saepe vicibus incertis, prior
Acies futura superior que, vinceret.
Mynieis anceps, exitus rerum timens,
Alata quod erat, et quoque ipsa quadrupes,
Incerta, quid sequatur, et neutri fauens,
Ut superior pars forte, ad hanc se contulit.
Quadrupede primo mota multitudine,
Aciem secuta est. deinde, cum Mars adfuit
Auxilia ducens aliti Iouis: ilico
Auium adiuuare visa victricem manum.
In pacem vtraeque cum redissent pristinam,
Vtraeque castris noscerent socios suos,
Mynieida ales omnis, omnis quadrupes
Dubiam vocaret, atque crederet suam,
Generi huic et illi fraus pudenda apparuit.

Damna-

Damnata porro non ferendi criminis,
 Spoliata plumis, coetibus pulsa omnium,
 Exosa lucem, noctis atrae velum amat.

Qui fluctuando partibus se venditat
 Duabus, ambas denique infestas habet.
 Tum si quid egit sponte, nulla est gratia.
 In rebus illis scilicet consultius
 Hostem fateri, quam non vinci eis modis.



FABVLA XV

Oues et Lupi.

Ouis lupus que quando inibant praelium,
 Ouis, fideli tuta praesidio canum,
 Non victa. Falsa pace legatos lupi
 Mittunt petitem rebus aquis obsides,
 Dedi que belli caussam inutiles canes,
 Pugnam cientes efferis latratibus.
 Rem conuenire posse firmo foedere
 Incauta fraudi corda, lanigerum pecus,
 Dum credit hosti, praesidia tradit canum.
 Post, pace parui temporis mora irrita,
 Vitae priori redditus raptor lupus,
 Nudata defensore corpora arripit.
 Carpuntur illae: fera consilia improbant:
 Miserantur omnes: nemo captis subuenit.
 Quisquis secundis rebus auxilia abiicit,
 Frustra requirit, sorte post mutata, opem.



FABULA XVI

Lupus et Pastor.

Canibus citatus Martius filius lupus,
Instante venatore, per campos fugam
Tenet, inque noti forte pastoris fidem
Venit occulendus arte. Non gregis tui
Agnam vorabo, aut vlla quondam corpora,
Ni me indicassis. per ego te oro spes tuas.
Securus, inquit, esto, pastor, et locum,
Vbi fallat hominem, ostendit. Aduenit cito
Venator, et, Nostine, quo abierit lupus?
Ait ille, Vidi. sed sinistra longe abest.
Simul oculis, quo se abdidisset, innuit.
Homo innuentis fraude nec visa, ilico
Pergit sagaces incitare alio canes.
Tunc pastor, extricante se latebris lupo,
Feliciter celauit, ait: quae gratia est?
Est magna linguae: sed oculis fallacibus
Iam caecitatem maximam datam volo,
Respondet, ac post verba se silua abdidit.
Nec blanda verba in ore, pectus perfidum
Credes gerenti: nec scelesti gratiam
Sperabis vllam, si qua merueris, fore.



F A B V L A X V I I

Leo et Simia.

Quam iura quondam et fas vererentur ferae :
 Bonum esse, ab vno posse, credebant, regi.
 Iouem precatae, regis igitur vt daret
 Arbitria summa, et improbis certos metus,
 Ille, inquebant, rem caducam legibus
 Firmabit, ille comprimet licentiam,
 Coget rapinis abstinere mutuis,
 Et recta tradet. Annuens votis deus
 Permittit, Ipsae, quem velint, regem eligant.
 Visus potenter iura suafurus graui
 Leo pauore, vita quo sit tutior,
 Creant leonem, hac lege, ne quondam cita
 Rabie feratur, ponat illos spiritus:
 Tum, ne cruentas ciuium appetat dapes.
 Promittit ille nempe. Sed spatium breui
 Taedebat arcti prandii, ac fidei datae.
 Ad sueta fraude pabula adfectat viam,
 Victurus aliquo semper haustu sanguinis.
 Vocat ille quasdam, vt more consilii, feras
 Secreto, et vnamquamque sic interrogat:

E

Os

Os tenue longam propter abstinentiam
 Putet ne? Sed quid? eia, dic mihi, ane olet?
 Ieiuna, si qua ait, ora putent scilicet,
 Fera, lancinata est. Tu ne opinantis male
 De rege sis exemplum? At est, quae, Recte: olent
 Nihil illa tetri, dicat: actum est. ilicet
 Laceratur. At tu mentiare hero tuo!
 Par caussa: poena dummodo illum nutriat.
 Absumsit istas. Simiam nouissime
 Vocat, et requirit eadem. At illa cautior,
 Vel cinnamomo suauius, dixit, mihi
 Olet, ac deorum quale sancta altaria.
 Hic fraude tali tactus, erubuit tamen,
 Sic mentientis caede pollui palam.
 Inuenit artem. fingit aegritudinem.
 Visum profectis bestiis, medici ruunt,
 Venamque tentant. paret, insolito cibo
 Affecta regis posse refici viscera.
 Propemodum et ipse quid sit opus, ait, scio:
 Sed non puto esse fas: nec ausim poscere.
 Tibi, inquiunt, fas quod lubet. ius regium
 Commune. cuncta audacter, vt vis, poscito.
 Sanabit, inquit, me comeesta simia.

Haec

Haec ducitur . repente conualuit leo.

Natura lege non bene exuitur fera.

Quare in fideli tutior silentio

Procul potente vita pauperi viro est.

Hunc si ferocem blanda consuetudine

Sibi feruientis lingua reddidit viri,

Tu, seu loquare vera, laedere, seu tacens

Et cautus, incuſeris idem prodere.

Sed, qui veretur vindicem deum, tenet

Praescripta legum, talis imperium ducis

Si cui secunda forte contigit, bene est.



Homo et Leo.

Homo leoni certat, vter audacior:
 Natura sit ne fortior hominis, an ferae?
 Quaerens que verbis testium certam fidem,
 Monumenta monstrat, in quibus sculptus leo
 Elifus affectantis amplexu viri.
 Mirata doctae specimen artis bellua,
 Nempe istud, inquit, hominis est fallax opus:
 Leo si dolaret signa, vinceret leo.
 Specie relicta, rerum adi mecum fidem,
 Vbi facta monstrat non color, sed veritas.
 Arena circi testium praebet vicem,
 Vbi per leones occidunt multi viri.

Animum coloris quid mouent mendacia?
 Quid verba? rebus crede. Qua praestes fidem,
 Praecedat acti luce certa veritas.



FABVLA XVIII

Ouis et Cornix.

Delapsa cornix tergori mansuetae ouis
Grauis imminebat, vnguibus saeujs petens,

Multumque tundens ore colla corneo.

Dum perseuerat prona, nec modum facit,

Acri dolore denique illa victa ait:

O si molossium sic lacefferes, mala!

Nec sustinere illius irati queas

Vocem tremendam, quando leuiter increpet:

Certare nedum vt audeas morsu tuo,

Ignaua forti: inermi et immeritae grauis.

Cornix, Tace, inquit: perfer olim debita,

Quae fors iniqua poscit omne ouium pecus.

Ego, colla quorum morsibus petam, scio,

Certo que forti saepe et ignauo, vt libet.

Antiqua ab annis, improba innocentibus,

At asperis amica: malefica si putor,

Animata tali lege sum, iubentibus,

Vt cuncta, diuis: facta non tuo modo.

Natura cuique, censeo, recta est sua.

Non corrigendos pessimos verbis, putes..



FABV-

Formica et Cicada.

Formica brumae de cauerna tempore
Aestate lecta farra promit, et fecat.
Dente impigro. Sed flebile ad latus adstitit
Orans cicada, copiae partem daret.
Formica ad illam, Aestate quod fecisti opus,
Ne ipsi liceret comparare tibi cibos.
Tum non vacabat, inquit: errabam leuis
Segetes per omnes carmen ingratis canens.
Formica ridet, ac recondens farra, ait,
Quia tum canebas, iam, decet, salta ad modos:
Nam non futura pinguior tu de meo.
Amare munus utile operae discito.
Operis honesti studium, et ipse labor, iuuant.
Habet arte vita nostra dulcius nihil,
Aut otiosi inerte durius otio.
Hoc in tua re sequere. sic viues bene,
Regnare visus, dum quidem es nulli grauis.



F A B V L A X X I

E q u u s e t A s i n u s .

Equum rogabat asinus hordei parum.
 At hic, Libenter, inquit, istud, si queam,
 Pro dignitate, largiar, et hoc amplius.
 Simul erit ad praesepe ventum vesperi,
 Non ista, plenum farre folliculum dabo.
 At asellus, Haec tam parua qui negas modo,
 Post illa cur te magna facturum putem?

Praestato parua, qua necessitas, viro
 Tacente, poscit, ne data spe differas.
 Neu fac superbum pollicendo maxima,
 Qui voce largus insolente, re tenax.



FABULA XXII

Leo senex et Vulpes.

Defectus annis traditur morbum leo
Finxisse. Visunt accubantem bestiae:
Quas ille edebat clanculum hac fallacia.
Post illa vulpes, sed, nec ausa intra specum
Venire, regem sic salutat eminus.
Ait ille, Quin prope adueni, vulpecula,
Intro, in domum. Verum, inquit, haud licet mihi,
Quid fiat expiscata vulpis, et cauens.
Venientium quae plurima hic vestigia,
Abеuntis autem nulla, quid faciam, docent.
Damnis priorum nostra se munit salus,
Domus potentis mille saepe aditus habet:
Quam si lubente semel es ingressus gradu,
Tardum est, ut villos inde tentes exitus.



Culex et Camelus.

Dorso cameli sarcinas supra culex
Moratus, vt se forte demisit locis,
Descendo vector nunc ob hoc, ait, ocius,
Ne trita pondus onere terga meum grauet,
Camelus, Est gratum, inquit: at pondus tuum
Sentire nulla lege compositum queam,
Neque me, benignus vt quidem leuas, leues.
Locus esto, qui te comparas magnis minor.



FABVLA XXIIII

Hoedus et Lupus.

Capella partum feta sollicita ob suum,
 Sciens que, pecorum vt stabula circumdent lupi,
 Ne forte aperiât ostium, natum admonet.

Sic, rebus illi traditis, exit foras.

Cum voce matris aduenit simulans lupus,
 Et blandus, intro vt hoedus admittat, petit.

Percepit, et, Matris prope audio meae
 Vocem, inquit, intus. at videre tu tamen
 Fallax, et illa voce nostrum sanguinem,
 Non mater, acer generis hostis, poscere.

Præcepta matris recta, vel patris, puer
 Qui seruat, esse saluus; indomitus nequit.




EIVSD. CHRISTII

AD

SVPERIORES FABVLAS

COMMENTARIVS





LIBRO PRIMO

AD

PROOEMIUM



oc prooemium non est totum me-
um, vt neque fabulae totae. Com-
munia aliquo pacto ingenijs vete-
rum, vnde epitomae factae sunt,
mihi que, tracto. Sed fuerant

ista maxime principia misere habita, ac luxata
distracta que ab eo, qui fabulas misisse Graecas
in compendium sermone Latino fertur Romuli
sub nomine. Qui Romulus, si Momyllus Au-
gustulus est, qui postremus imperium occidentis
tenuisse Romae traditur, praescribitur autem
Imperator urbis Romae in epistola *ad Tiberi-
num filium*, quam cum ea fabularum epitome
Nilantius publicauit, quanquam esset Gotthus
genere, Orestis filius, tamen magis est mirum,
ab eo educato in Italia sic omnem Latini ser-
monis

monis et ingenii honorem, quam imperium descivisse. Nam non est verisimile, de Graecis fabellis factam hanc epitomen, quod profitetur, fuisse. Verum e Latino potius poeta, aut e diuersorum operibus, corruptum istud, rescando contaminandoque multa; quiddid est, videtur. Nisi poetae ipsi, e quo ista petita sunt, nomen Romulo fuit, siue imperatori, siue cuiunque, quem nescimus hodie: unde et nomen, et epistolae corruptae lacinia, et fabulae infictiis suis inter proba quaedam et numerosa modulataque maculosae, ad illam orationis solutae humilitatem descenderint. Nam superest quaedam tenuis in litteris memoria poetae Romuli. Reliqua hic, super veris fabularum veterum scriptoribus Latinis, incerta sunt ac tenebricosa omnia. Non Phaedrum vero esse, ex quo illi ista, argumentis praesentibus cum a me est euictum alio tempore, tum toto hoc ostenditur commentario. Quicumque igitur, quocumque tempore fuit, cuius Romuli nomine fabulas Nilantius edidit, diuulsas prooemii, ut mihi quidem videtur, partes posuit. Alteram, velut epistolae vicem, in principio ante fabulam primam: alteram partem temere ante duodeuigesimam fabulam. Ex his prooemii partibus quaedam dicta sunt transcripta in prooemium et principia fabularum eius, qui pro Phaedro fertur. alia quaedam haud mala, quae non desunt Romulo, inde non sunt petita: sed relictæ a Phaedro. Etiam hoc, quod diuulsa

erant

erant in Romuli fabularum epitome prooemia, videtur in fraudem erroremque induxisse Perottum, vel quisquis est, qui illas Aesopias fecit, ut duplici eas exordio praecinctas temere, quod equidem reor, sisteret, primam atque secundam libri primi, quae de ranis est, fabulam, Romuli, ut dixi, duodeuigesima. Cui si aliquod principium conuenit, nulla tamen ratio aut argumenti affinitas, quae ne in tali quidem opere omnino negligenda est, iungit. Hanc nos propterea de ranis fabulam primam posuimus ratione et indicio vestigiorum operis, quae in Romuli prooemiis extant. Restituimus autem libro omni, his principiis constitutis, suam, ut credibile est, faciem, coniungendo ea, quae erant diuisa. Quorum apparebant nonnullae, quamvis tenues, in corruptis reliquiae, ea expressimus pleraque: quaedam ad illa adiunximus pro iure nostro, non seruiantes, sed honesta ingenii cum libertate intenti paratis: aliqua item eorum neglecta in medio reliquimus, tamenetsi sponte videbantur ad suos, quibus olim scripta essent, numeros reditura. Longum enim fuisset atque anceps negotium, haec quoque restituentem comminisci subinde, atque vehari per coniecturam, quae, cum his olim cohaerentia, interciderit multa oportet. Ut, ecce, hos ut cunque trimetros prooemii, aut eorum membra, sic sita in oratione semibarbara Romuli, ut modo integra atque incontaminata, modo vno vel duobus vocabulis translocatis, facile exeant:

homo

hominumque vitam ostenderet.

Personas bestiarum inducit omnium.

Ut fabularum cur sit inuentum genus.

Si me sagaci mente lectitaueris.

Recto refertur illa ad hominem tramite.

Sed videntur in opere poetae veteris etiam trochaici quadrati his admisti fuisse, aut potius totum prooemium constituisse non illo genere, verum trochaico. Hi enim fere inde nullo negotio coguntur versus, ut dixi, quadrati:

*Bonam ego fabulam viro bono, et malam
malo putem*

*Comparari. Nemo liber usque fecerit bo-
num,*

*Hoc nisi spe laudis audet: et quis abstineat
malo,*

*Continet ni se timore vindictae atque op-
probrii.*

*Propter hoc ego congregavi iure quasdam
fabulas.*

Duo vel tria vocabula interposui: reliqua de locis, quae temere occupauerant, ad numeros redire iussi: aliqua eorum sponte sua ad signa concurrerant, aut seruabant ordines. dein, post paullo, haec quoque:

Inno-

*Innocentium que gestis . inde exempla ce-
perit*

*Viuit ille enim secure, qui quod timeat
non habet .*

Nisi aliquis mauclit, trimetros potius Iambicos
qualescunque, atque eos abnormes, ex eisdem
Romuli verbis cogere istos :

Quapropter ego coegi quasdam fabulas .

Secure viuit , qui quod timeat non habet .

Vt paullo certe momento Trochaici in Iambi-
cos, ac vicissim, transeunt . Haec tamen omnia
ego in superiore mearum fabularum prooemio
non expressi solícite, aliis, et melioribus, vt
puto, verbis subinde vsus, prout commoda in
rem videbantur: libertate ad summam, quae
ingeniis scriptorum, vt praemonui, debetur,
salua vbique et illibata . Poteramus autem
plura eiusmodi non magno negotio, et fortas-
sis emaculatiores, ex his Romuli exordiis ad pri-
stinos redire iubere numeros, si esset opus: et
nisi nostris hoc idem trimetris ante propemo-
dum esset effectum . In his quia pulchrae sen-
tentiae, facile apparent, et numeri non asper-
nandi, et verba munda, quorum nihil de se
petere, qui epitomen fecit, Momyllus Romu-
lus, an alius, certe inficetus, ac tantum non
totus barbarus, potuit ; nihil potuit eorum

F

prac-

praeterire tacitum in prooemiis suis qualiscunque Phaeder; si esset hoc verum, quod sumunt vulgo multi, hanc prooemiorum epitomen de Phaedri opere factam esse: cum contra nihil illius sententiae, nedum verborum, quae a me supra sunt excitata, in Phaedri tam multis vberibusque quinque librorum exordiis, neque praeterea usquam, in vlla eius fabula, legatur: cum tamen in Romulo insint, praeterquam ista, quae posui, quaedam etiam eorum, quae apud Phaedrum item usurpata in prooemiis leguntur: facile ratiocinando colligitur, ex aliquanto ampliore, quam est Phaedri, fabularum veterum Latinis versibus scriptarum opere, hanc epitomen factam esse, atque deinceps ex hac epitoma natas esse ac perfectas Phaedri, quae feruntur, fabulas. Nam meo quidem animo manifestum est, ex his duobus Romuli prooemiis diuulsis, atque item e breui et ieiuna Auiani, an Aniani, epistola, facta fuisse et confarcinata principia fabularum item duo primae ac secundae Phaedri. Qua in re tam solícite accurateque vtrumque, Romulum et Auianum, secutus siue Perottus, seu alius, deprehenditur, vt etiam mala eorum verba, malasque sententias, quod alio tempore ostendi, deligeret. Sed prooemium, quod ante fabulam de ranis regem petentibus legitur, non fabulae, verum toti operi scriptum principium fuisse, vel haec ibi in Romuli opitome verba produnt. *Omne GENVS FABVLARVM*, inquit, *sine dubio directo*

directo tramite ad homines refertur . nemo enim potest esse bonus , malus , quae sequuntur . Inde deligendo meliora , addendo quae eis , quae insuper conuenire in rem putabam , exordium toti operi vnum feci , quod spero probatum iri his , qui aut indulgenter minus quae seuerè doctissimi , aut scienter non indocti iudicabunt . Si enim , quae recta et Latina sint verbis , quae modulata numeris suis , iudices idonei vident : etiamsi reliquas argumenti virtutes non item perspiciant : non metuo , vt secundum nos , contra Phaedrum sint sententiam laturi . Sed quoniam ex his fortassis , atque inter alios , qui legere fabellas nostras dignabuntur , erunt aliqui , quibus aliqua nostrorum non pertractate dicta , impeditiora ideo obscuriora quae videri possunt , nonnulla eorum , vt forte obuient , breuiter enodabo .

In aditu prooemii ipsius , versu sexto , positum est *noxiae* vocabulum ea significatione , quam non omnibus in procliui futuram reor : sed habet rationem summam . E vulgaribus libris plerique sic acceperunt , esse *noxam* , aut *noxiam* , vel delictum et culpam nocituram , vel malum ac poenam , quam propterea , qui nocuit , patitur . Attamen vera Latini sermonis origine non tam culpam significat *noxia* , quam potius omnem cuiusque facti causam : deinde ad illas res , quas dixi , similitudine vocabulum trahitur . Sic *noxae dedere* , et *noxam dedere*

apud Iureconsultos idem valet, quod caussae dedere, aut causam. Causa autem subinde intellegitur id, quidquid in re, in lite, inest, propter eam praestandum, qua res petitur, cum omni causa. Planissime pro causa *noxae* vocabulum vsurpauit Aufonius in Epigrammate.

Cessit letalis noxa salutiferae.

Salutiferam noxam appellat cibum salubrem, qui esset in causa, cur venenum nocere non posset. Ciceronis illud, *Noxiae poena par esto*, ad causam damni dati rectius, quam ad culpam proprie intellegendam trahas. et *noxae aestimatio*, tanquam causae, aut causalis damni, dicta fuit. *Obnoxius* autem, de quo verbo, quid sit, subtiliter Gellius quaerit, ille saepe dicitur, qui *ob causam* debet, ideoque dissimulat: quamobrem *obnoxie perire* apud Plautum est, dissimulanter atque obiter parcendo plecti, non plane, ab eo, qui ob causam, cum debeat ei, quem plectere iubetur, perfunctorie, atque per praeuaricationem, iussa exsequitur.

Vocabulum *Athenienses*, quod nos quoque in prooemio velut restituendo posuimus, quater ea epitomae parte a Romulo in litteras relatum est. Quod nunquam scribere ille ut correcturus ea, quae inuenerat, ausus esset, si esset verum, quod contendunt homines docti, e Phaëdri eum verbis suam epitomen fecisse. In Phaëdro enim qualicumque inuenisset *Attici*,
non

non bene ibi, vt alias docui, vsurpatum. Hoc inuentum non mutaret ille meliore vocabulo, qui sic narrandi compendia, pro more eorum temporum, inepte sequitur, vt refecet multa, ac relinquat fere meliora: addat quaedam subinde protrita ac fere sordida, quo facilior, eius iudicio, planior que sit vulgaris quaedam verborum humilitas: nunquam argutetur tanquam grammaticus, qui verbum pro verbo mundius reddat.

*** * ***

F A B V L A I

Ranae regem petentes.

Aes. 170, Ant. 21, Rom. 18, Phae. I, 2

Quo facilius haec nostra comparari cum Graecis ac Latinis, quae extant, fabularum periochis possint, si qua earum in his, quae sub Aesopi nomine feruntur, a Planude, vt credibile est, congestae, aut in Antiquis, quas Nilantius hoc nomine publicauit, deinde item in Romuli fabulis, et in Phaedri, aut apud Aphthonium denique legitur, indicium in titulis capitum huius commentarii, quota numero quaeque legatur, fecimus. Alia quaedam eiusmodi fabularum opera minora, quae contendendi cum illis item facile possunt, in praefens negleximus.

F 3

Haec

Haec prima fabula in Phaedri libris talis est, ut videatur Iambis reddere ea tantum, quae inter Antiquas Nilantii habet fabula numero XVIII, unde expressisse sua eum, qui pro Phaedro scripsit, puto. Debit autem adhibere etiam Romuli epitomen, ubi amplior haec fabula extat. Poterat inde emendare vitiosam narrationis candidae breuitatem, quam arguitur tenuisse in plerisque suarum, captus formam mendace periocharum, quas semibarbari homines fecerunt, dum antiquorum per epitomas operum vestigia legebat. Nam istud equidem fumo, dari que mihi interim in hac causa vel a dissentientibus postulo, quod monumentis editis adprobaui, ut spero, doctis hominibus multis, amplius que probabo deinde, Non esse sincerum hoc Phaedri quinque librorum opus, sed multa in eo merito suspecta haberi: quae composita sint ac redacta in qualescunque trimetros saepe abnormes, nisi a Perotto solo, at ab alio quodam eiusmodi temporum ferme illorum. Esse autem eos trimetros factos et coactos ex his fabularum periochis semibarbaris, quas Nilantius e membranis vetustis publicauit postea, aut ex aliis earum simillimis, quae in codicibus scriptae extabant. Hunc Phaedri velut fundum videri. Id si est verum, quod ego non dubito, debuit Perottus, aut quisquis est, qui Phaedrum restituere se hoc pacto putauit, non vnam scribendo epitomen, sed varias earundem fabularum, quae extabant, sequi:

qui: quia altera earum saepe altera plenior, praebet, vnde emendari narratio alterius manca possit. Hoc ille in quibusdam fabulis fecit: in aliis multis omisit. Deinde, quum haec sicca epitomae breuitas esset amplianda ornanda que nonnullis rescribendo munditiis: ille, quaecunque in breuissima earum inuenerat, contraxit etiam. Hanc summam fabulae virtutem ratus, vt succincta paucis versibus, et Latinis vtcunque verbis, niteret. In trimetris vero recte modulandis omnibus, quorum haud paucos non erat, cur faceret, sed inuenerat in epitoma factos, negligentia quadam manifesta, non inscientia, peccauit saepe. Nam claudicantes quosdam aut mancos, abnormes, et comoediae potius, quam fabulae Aesopiae aptos, reliquit plerosque. Planipedum licentiam imitari, quam adstrictiorem epigrammatis et fabulae talis cultum seruare; maluit.

His propemodum, quas dixi, rebus inter me et illum distat. Sequor equidem non Antiquas modo Nilantii, verum etiam Romuli fabulas, atque item alias eiusmodi interdum: ille Antiquas fere expressit. Ille contraxit omnia: ego pleraque, quantum licet, vt copia nonnulla ac munditiis ditescant, studeo. Ille, si senarios comicorum reddat, satis habet: ego trimetros, quales olim fabulis Aesopiis tribui inueneram, modulatiores meliores que vt extunderem, dedi operam. Ille epimythia

corrupti multa : ego ornatiora, nisi fallor, haec inprimis restituo. Alia conor, si qua sunt his minora, ad eum modum. Hanc diligentiam non obscuram, neque inutilem, ut spero, adprobare eruditissimo cuique cupio : neque etiam populo, si fas est optare, quas feci, fabulas displicere.

In prima de ranis fabula hi propemodum trimetri adumbrati, quos fere seruauit, paucis mutatis, qui pro Phaetro, in verbis semibarbaris Antiquarum Nilantii extant.

Ranae vagantes in liberis paludibus

Clamore regem petierunt a Ioue,

Qui dissolutos mores earum compesceret.

Iuppiter risit, et eis dedit

Tigillum

quod subito missum leui

Moru, sonoque terruit pauidum genis.

mersae limo cum laterent diutius,

forte una tacite profert anme caput.

explorato rege cunctas euocat.

Illae timore postposito certatim adnatant.

supra

- - *supraque turba petulans illufit*
Quem cum inquinaffent omni contumelia.
Alium rogantes - - mifere ad Iouem

Iratus ille - - qui fuerat datus
- - cur effret illufus - -
- mifit illis hydnum, qui dente afpero
Corriperet fingulas - -

- - qui dum auide eas vefci coepiffet,
Fugitant inertes, voces que praecludit metus.

Furtim mittunt per Mercurium mandata Ioui,
- - ut defiftat - -

- - - - econtra Iupiter,
Quia noluiſtis ferre bonum, ut feratis malum,
Hunc fuſtinet malum, ne peior adueniat vobis.

Atque ea quidem tota eſt fabula, qualis inter Antiquas, ut Nilantius vocauit, legitur: nullo eius epitomae verbo neglecto aut omiſſo. Sed ſic iſta poſui, ut appareret, quantum eorum verborum in aliquos trimetrorum numeros, vnde profectum eſſet, rediturum quadam ſpe carminis videretur: quibus in locis, quo inter-

vallo, deesse quaedam verba, aut versus reli-
cti: vt fieret haec harena sine calce, quae ta-
men certa veteris poetae vestigia habet, simul
arguit verbis, quae habet, bonis, non compa-
rentibus in Phaedro, et lacunis omissorum,
quae nusquam, ne ibi quidem: neque since-
rum esse Phaedri opus, neque ex eo vnquam
hanc epitomen factam fuisse. Sed ille, qui
pro Phaedro scripsit, non tam valde concisa ac
deminuta mancaque, vt sunt profecto, putauit
ista, neque tam sagaciter odoratus est, quam
oportuit in re tali, vulgaria ac praua verba,
quae descriptor Procrustes poetae veteris mem-
bris interspererat. Ideo factum est, vt prin-
cipio fabulae qualiscunque trimetri speciem de-
prehendens, nihil, praeterquam paruam oratio-
nis particulam *IN*, deleret: relinqueret, *libe-
ris paludibus*. Non cogitabat, *liberos agros*,
et filuas liberas, et fluuios liberos, quia a popu-
lo colerentur aequis legibus vso, dici sic non
posse, vt *populos ipsos liberos*, qui arbitrio vni-
us non regerentur: neque idcirco locum ali-
quem Latine liberum appellari posse, quia in
eo sine rege ciuilitate, sed quia sine arbitris li-
center viueretur. Si Romuli fabulas ibi ad-
spexisset ille, inuenisset in eis scriptum, *Ranae
iam dudum in quadam MAGNA PALV-
DE morantes, et in protectione LIBERO-
RVM*. Vnde facile diuinando intellegitur,
qui epitomen faceret, eum inuenisse scriptum
in poeta vetere, *liberas ranas* fuisse, quod
equi-

equidem expressi, non *paludes liberas*: paludes autem additas multitudinis numero, ex quo *MAGNAM paludem*, tanquam si esset hoc idem, describendo reddidit Romulus. Quae deinceps sequuntur, ea paene ad verbum trimetris duobus malis repraesentata sunt in Phaedri fabula. Mihi vero verba *petierunt* et *compesceret* ex aliis melioribus videntur, vel metri non respondentis indicio, extitisse mutando, et quaedam praetermissa fuisse. quamobrem extendi ego Iambis emaculatoribus. Quod item Perottus, nisi fallor, fecerat in his, quae deinde posita versibus duobus legebantur: ut ipse quoque in partibus agnosceret, redintegrari ampliando epitomen oportere. Attamen etiam vestigia eorum, quae mea ego utcumque fabula restitui, quae in Antiquis deerant, in Romuli epitome nonnulla inueni. *Quibus innocentibus*, inquit, *quamuis praua petentibus*, *pius Iupiter volens eas alludere*, *valde magnum truncum annosae cuiusdam arboris illis in stagnum pro rectore misit*. Vnde proditur emblemata esse eius, qui pro Phaetro scripsit, idque minime ferendum, quod ibi scribitur, *PARVVM tigillum*: tanquam aliquo exemplo, ut *minuti pisciculi* apud alios leguntur, defendendum. Sed rationem istud non habet, et videtur additum temere vocabulum, dummodo ne acephalus trimeter relinqueretur. At enimvero vnde Romulus fecisset suum *VALDE MAGNUM TRUNCUM*, si illa, quod multi

multi contendunt, de Phaedro esset facta epitome: si ille ibi, tanquam in archetypo libro, PARVVM TIGILLVM inuenisset? quo pacto hoc tam paruum subito cresceret, vt *valde magnus* fieret *truncus*? Quo pacto autem ranae adspicerent tam paruum? et sonitu noscerent? et regem haberent? et Ioue dignum? Certe versus temere absoluendus, non alia satis causa minuit. Sequitur versus huic epitomae Antiquarum, et Phaedro, et mihi communis,

Motu sono que terruit pauidum genus.

in quo simul numeros pulcros deprehendimus, atque obiter legem huius operis, custodientem in locis paribus pure lambos suos, quinto spondeum fere aut anapaestum: qua de re supra in praefatione egi.

Hunc versum excipit alius, cuius reliquias, quum de ranis concepta fuisse veteris poetae verba satis se ostendant, non iam de arboris trunco, ad tigillum suum male conuertit, qui pro Phaedro habetur. Nam si mersum iacuit, aut latuit potius, tigillum, qui conspici atque explorari a ranis potuit? Ille quoque, Perottus, an alius, vocabulo vno Antiquarum huius in narratione fabulae captus est, dum *diutius* post *iaceret* scriptum reliquit, quale inuenerat in Antiquis. quo pacto ipsi Creticus quinto trimetri loco extitit. Quod enim putet aliquis, hoc verbum *diutius* daetylum fieri per crasin et liquefactionem secundae syllabae ad pri-

primam posse, nihil est. Eodem errore, *contumelia inquinare, alium rogantes, dente aspero*, atque alia istiuscemodi verba non bona, quae debuit relinquere, ab epitoma Antiquarum mutuatus est. Hoc quoque parum intentus in operis restituendi formam, quod multis subinde verbis truncata, expleri posse singulis fere vocabulis iudicavit, dummodo versus, qui adumbratus esset in Antiquis, explicaretur.

Atque ista curiosius, quam pro more meo, copiosiusque scripta sunt, in exemplum non huius modo, sed aliarum quoque toto opere fabularum: ut plane inde appareret, quae illius, quae nostra esset ratio. In reliquis, vel si quis verba et numeros utriusque adspiciat conferatque, adhibereque velit eam ad rem Nilantii librum, per se facile, quid sit effectum, iudicabit.

♦♦♦ ♦♦♦ ♦♦♦ ♦♦♦ ♦♦♦ * ♦♦♦ ♦♦♦ ♦♦♦ ♦♦♦ ♦♦♦

F A B V L A I I

Gallus gallinaceus. et. margarita.

Ant. 1, Rom. 1, Phae. III, 12

Haec fabula ordine prima legitur in Antiquis, in Romulo, in Anonymo Neueleti. Inde facile intellegi potest, cum hos omnes ab vno fonte suarum fabularum argumenta ducere,

re, tum neminem eorum Phaedri trimetros qualescunque in manibus habuisse, unde suam epitomen faceret. Nemo certe eorum hanc fabulam, tanto interuallo reiectam, libri tertii duodecimam, repetitum iuisset, ut primam operis e compacto, nulla apparente eius consilii causa, facerent. Longe illis talibus cura, ut super ordine fabularum immutando iudicium suum interponerent. Quidquid invenerant, rerum omnium securi, arctatum, atque interpolatum pro captu, refundebant. Adde, quod etiam hoc ipsum plane fatetur Romulus. *Aesopus*, inquit, *hanc PRIMAM fabulam dicit de his, qui despiciunt sapientiam*. Primam testatur posuisse, editque causam, cur primam posuerit. Est autem Aesopus illi non sane, qualis Graecis quibusdam periochis intellegitur potius extitisse, quam legitur et cognoscitur villo reliquo ingenii tanti vestigio. Nam hae periochae primam eam fabulam non habent: neque eas sequitur ille. Sed Aesopus illi est poeta vetus, qui Latine fabulas scripserat, ignotus hodie, e quo ille suam epitomen fecit. Erat autem in more ferme eorum temporum situm, ut omnes fabularum talium scriptores Aesopos dicerent. Hac lege Avianus passim Aesopus audit: et ille quoque ipse Romulus, qui suum Aesopum nihilo rectius laudat, hominibus illis Aesopus merus, atque ille Atticus, est. Manifestum vero, neque laudari a Romulo Phaedrum eo nomine,

nomine, qui hanc primam non posuit fabulam, neque exscriptum eius ab illo opus fuisse. Atamen habet Romulus Phaedri subinde verba, non petita e Phaedro: vt haec quoque fabula eorum plena est. Fit igitur, vt nihil aliud supersit, nisi aut vtrumque e communi fundo messuisse eadem, aut eum, qui pro Phaedro fertur, e Romulo quoque, quod equidem puto, suorum verborum sumsisse multa. Et hoc loco videtur sine dubio Perottus vtramque epitomen, Antiquarum et Romuli, secutus. In aliis fabulis Antiquas exprimit, relicto Romulo. Haec est causa, cur ea de pullo gallinaeo Phaedri fabula possit ex his Nilantii obiter emendari. In earum libris constanter scribitur, *gallus*, non *pullus*. Hoc si inuenissent illi in vetere poeta, non mutarent: aut si verbum verbo redderent, non in hoc rectum incidissent. *Sterquilinii* vocabulum, in vtroque minus emendate positum, decepit Perottum, vt versum eo ordiretur, qui expediri non potest: habet enim Amphibrachum pro Iambo loco sinistro secundo. Emendatius est etiam auctoritate codicis Pandectarum Pisani, *sterculinum*, syllaba detracta: quod constanter sic ibi legi iam olim Brissonius monuit. Quo pacto scriptum in libris vetustis nos quoque inuenimus, vt verbi causa in probis Plauti comoediarum membranis, quae extant in hac vrbe. Etiam metri in Plauto ratio poscit istud, neque admittit vlllo pacto *sterquilinium* syllabis quinque differendum. Vt ille sane Persa,

Com-

Commixtum coeno sterquilinum publicum;
et Casina, membranis aliis vetustissimis, habet:

E sterculino effosse, tua illaec praeda sit.

Terentium Phormione, quanquam varient membranae, metri causa, ut versus trochaicus quadratus procedat, non est dubium item edidisse hoc pacto,

Vanitatis? minime: dum ob rem. sterquilinum. Dorio.

Sed hoc idem, libris contra stantibus, non scripsit, qui pro Phaedro fertur: quidquid tendat pro eo, ut liberet suspitione erroris, Gudius. Nam, oportere sic scribi, recte probat: scriptum extare in fabula, qua libri negant, gratis ait.

Sequuntur nonnulla, quae mihi videntur esse Perotti emblemata illis Antiquarum verbis interspersa. ut, *Q V A N T A res: cupidus PRETII: splendorem MAXIMUM.* Antiqua rectius, *optima res: Romuli fabula, bona res.* Inde natum videtur fuisse istud aliquanto deterius, *Q V A N T A res*, ne versus labasceret. *Cupidus* priuum, non adiecto alius verbi velut modo, in utroque est. Sed illi in hoc quaecunque elegantiae veteris vestigium temere non incidissent, nisi sic scriptum inuenissent in poeta Latino, vnde suam quisque
epito.

epitomen trahebat. Quaedam Latina huius fabulae Antiquarum et Romuli, nec Phaedri usquam, verba, vt, *in decorem tuum redires*, et, *ad splendorem pristinum decoris tui redires*, alia eiusmodi, hoc idem videlicet docent. Haec non a Phaedro petita, ab se petere illi non poterant: petierunt igitur ab alio scriptore bono, atque eo poeta: nam numeri carminis quoque apparent in talibus. Multa eorum verba, et numeri, et versus toti, leguntur etiam in Phaedro: hunc igitur necesse est ex illis profecisse, quoniam, vt ex hoc illi, fieri nullo pacto potest.

*** * ***

FABVLA III

Lupus et Agnus.

Aes. 233, Ant. 3, Rom. 2, Phae. I, 1

Verbum istud, *fauce improba*, Grammaticorum ferè, qui Phaedrum sunt interpretati, crucem, in vtraque legimus epitome Antiquarum et Romuli. ac tertia haec ferè vtriusque fabula est, quem nos ei locum restituimus. Facile apparet, hoc verbum, quod defendi vix potest, sumxisse, quum scriptum inueniret, Perottum ex illis: sed repudiandum esse propter hos libros, id, quod aliqui praeferebant, *face*
G
impro-

improba. Antiquae fabulae in principio, prope finem Romuleae legitur: quamobrem putavi, tot libris affirmatum vetus esse τὸ *fauce*, sed adiectitium habere interpretamentum melioris vocabuli, quod illi, ut glossam linguae secretioris, omitterent, ponerent, quod erat in promptu vel parum facundis, *improba*. Causam eius rei dixi alio tempore. *Turbulentam fecisti*, verbo tam male Latino, in quo Perottus caperetur, extat in Antiquis. Rectiora ibi dederat Romulus. *Quare mihi perturbas*, inquit, *aquam bibenti*; et *luteam eam efficis*. *Laniger*, priuo verbo, haud bonum, et *latro*, et alia eiusmodi, e manca Antiquarum breuitate repetita sunt.

*** * * * *

FABVLA IIII

Graculus inter Pauones.

Aes. 191, Ant. 26, Phae. I, 3

Antiquae hic *pennas pauonum* aliquanto rectius edunt, quam qui pro Phaetro, *pennas pauoni*. Sed *deciderant*, in eis quoque scriptum, errore extitisse puto pro *ceciderant*. Ceterum ista prope ad verbum hac Antiquarum parte in Iambos qualescunque se colligunt.

Tu-

Tumens inani graculus superbia
Pennas pauonum, quae deciderant, sustulit,
Exinde seque ornauit: contemnens suos,
Se miscuit pauonum formoso gregi.
Illi imprudenti pennas eripiunt aui,
Fugant que miserum. Male mulcatus graculus
Redit - - - maerens ad proprium genus.
A quo repulsus iterum sustinuit notam
Lueticam, cetera.

Aliqua tamen eorum non retinui, quia contaminata, vel numerorum labantium indicio, putabam. Aliqua inferui meis, qua res poscere integra et proba videbatur. Sed qui pro Phaedro fertur, dum nimis premit epitomae vestigia, vel cum dispendio elegantiae ac numerorum, cur quaedam satis concinna, vt *lueticam notam*, atque alia, neglexit?

* * * * *

F A B V L A V

C a n i s e x t a f e r e n s .

Aes. 213, Aphth. 35, Ant. 7, Rom. 5, Phae. I, 4

Huic et sextae nostrarum fabulae neruos succidit qualiscunque Phaeder. Hos illis restituere utcunque conati sumus. Nihilomi-

nus tamen in ea parsimonia verborum mutatus est nonnulla minime bona de penuria epitomae utriusque: ut *carnem ferre*, pro carnibus, aut extis, aut ossa ferenda. Aliquanto melior hic quidem Romulus, *partem crudae carnis*, posuit. *Nympharum speculo*, quod extat in Antiquis, quanquam non respondeat ad numeros, praesertim ab initio versus, apprime tamen elegans est. Propterea seruauerat, qui pro Phaedro, minime ineptus ille quidem elegantiae in verbis, et breuitatis in narrando mundae, sed adstrictae, arbiter. Non bene de eo hac parte meriti videntur, qui pro eo, quod dixi, ediderunt in exemplis fabularum eius, *Lympharum speculo*; quod plurimum abest ab illius verbi nitore. Aliqua contra epitomae verba, quanquam essent item elegantissima, non vidit, neque transtulit ad opus suum Perottus, ut, quod in Romulo scriptum est, *cum umbram percussam in profunda aqua vidisset*. Hoc Romulus, ut pro aliis verbis poetae vetusti poneret, non potuit cominisci. Satis enim describendo rudem se praeferit rerum non minus, quam verborum. Relatum igitur in litteras inuenit. Sed mutauit, deteriora suo ingenio glossae in vicem verba commentus is, qui Antiquas confarcinavit, quum daret pro eo, *stimulacrum suum*. Id legit et usurpauit, illo altero omisso, Phaedri fabularum architectus. Etiam hic versus, et quintus huius fabulae
in

in Phaedri libro, abnormis fere atque immodulatus: quartus autem parte aliqua mancus, ne expediri quidem potest: quod eo videtur accidisse, quia negligentius properantiusque, ut saepe, atque paene ad verbum descripsit pleraque Antiquarum, in quibus aliquam numerorum spem videbat, emendaturus postea, si per occupationes rerum aliarum liceret. Ut ecce, in hac fabula, ista sunt Antiquarum verba:

*Nympharum speculo vidit simulacrum suum,
Alteramque praedam ab altero ferri putans,
Eripere voluit . at decepta auiditas
Dimisit offam, quam ferebat . cetera .*

Neque est dissimulandum, dactylii quoque versus hexametri speciem in hac fabula, ab Antiquarum descriptore, qui conguessisse diuersorum poetarum lacinias videtur, relictam apparere:

Et sua non potuit extremo tangere dente.

*** * ***

F A B V L A VI

Societas pecudum cum Leone.

Aes. 229, Ant. 9, Rom. 6, Phae. I, 5.

In hac fabula, dum Antiquarum nimis verba legit Perottus, inuenit que ibi scriptum, *obviam fuerunt cum leone*, fecit inde suum, ratione suadente ac re, sed iniuncta Latinitate, *socii fuere cum leone*.

*** ** *

F A B V L A VII

S o l m a r i t u s .

Ant. 10, Rom. 7, Phae. I, 6

Hanc fabulam, qui pro Phaedro, inscripsit *Ranae ad Solem*, non bene. nam ad Iouem ibi, non ad Solem ranae conqueruntur de Sole. Rectius in Antiquis ac Romuli habetur, *Sol uxorem ducens*. Argumentum istud equidem inflexum aliquo modo, ornati-
us, nisi fallor, conuenientiusque, quam est in Phaedro, reddidi. Quid, quod epitomae quoque illae, quas dixi, semibarbarae, aliquan-
to scitius, ubi rem spectes verbis omissis, ac melius, quam ille, narrationem huius fabulae expediunt. In verbis etiam videtur ille ad-
miscuisse aliqua parum Latina, ut *quondam velle ducere*, pro *voluisse*, et *liberos* pro qua-
cunque subole.

*** ** *

F A B V L A VIII

L u p u s e t G r u s .

Aes. 144, Aphth. 25, Ant. 64, Rom. 8, Phae. I, 8

Monstrum verbi, quod Phaeder ausus est, *gruis*, casu primo, neque Antiquae ha-
bent, nec Romulus. In illis isto potius modo verba ea concepta sunt,

Tan-

Tandem persuasum iureiurando gruem.

Huius autem trimetri, in quo sententia epi-
mythii manca, et verborum quoque ratio
claudicat,

Impune abire deinde quia iam non potest,
nullum vestigium in Antiquis: neque in Romulo.

[illegible]

F A B V L A X

Lupus et Vulpes Simia iudice.

Ant. 28, Phae. I, 10

Quod non placuerat mihi in qualicunque
Phaedro, *arguebat furti crimine*, extat
illud in Antiquis, sed ita, vt natum videatur,
vocabulo a descriptore fabularum addito, e
vertis, *arguebat furti*: Illo fortassis pacto
in litteras relatum inuenerat quisquis epito-
men istam fecit:

Vulpem arguebat impius furti lupo:

Sed haec negabat esse criminis rea.

Vt vera discat Simius iudex sedet.

Haec proxime ad verba, quae extant in Antiquis, accedunt. Deinde in Phaedri verbis manifesto desunt aliqua, quae spectabant ad formam iudicii. Nam frigidiuscule illa videretur suppluisse, qui pro Phaedro, atque ita,

vt appareant velut futurae ac cicatrices eorum, quae diuersa in vetere poeta olim fuisse, epitome Antiquarum facile ostendit: dum rectius aliquam iudicii formam tenet. *Causam*, inquit, *dicunt: respondet Simius*. Nos tamen alia haec, profecto etiam manca et comminuta, quod res et ratio poscebat, fecimus. Sequuntur communes trimetri duo recte modulati, ac reliquorum, quomodo non infrequentes in hac epitoma sunt, exempla vera: nisi quod descriptor barbarus *quaeris* eo loco reposuit, in fine trimetri, vbi videtur inuenisse *petis*, aut aliquid aliud eiusmodi.

Tu non videris perdidisse quod quaeris:

Te credo surpuisse quod pulcre negas.

Nisi quis malit in altero versu scriptum, *sustulisse*, quod mihi placuit, fuisse: non *surpuisse*, aut; *surrupuisse*. Sunt praeterea quoque nonnulla huius fabulae in Phaedro non bona: vt, *culpae proximam*: vt, *iudex inter illos*, cetera. Nam non, quia *affinis culpae* Latine dicitur, etiam *proximus* hoc exemplo.

F A B V L A X I

C e r u u s a d f o n t e m.

Aes. 184, Aphth. 18, Ant. 41, Rom. 29, Phae. I, 12

Hic quoque apparent quaedam corollaria eius, qui pro Phaedro scripsit, non sat munda: quorum nihil, neque in Antiquis, neque

que in Romulo extat. Talia sunt, *exserit narratio: effigies* pro umbra, aut pro eo, quod supra fuerat positum, non ita contaminate, *simulacrum*. Adde, *crurum tenuitas*. Illi, qui epitomen fecerunt, meliora hic istis verbis omnia. *Videns*, inquit; *VMBRAM cornuum suorum in flumine*: et, *Crura vero TENVIA vituperat*. Quae Phaedrinis emendatiora in vetere poeta non indocto invenerant scilicet.

*** * ***

FABVLA XII

Corvus et Vulpes.

Aes. 208, Aphth. 29, Ant. 15, Rom. 13, Phae. I, 13

Frigidum Phaedri verbum, *de fenestra*, in utraque epitoma, Antiquarum et Romuli, extat: quod illum decepit, ut frequentandum putaret. Sed illi, ut opinor, *de canistro*, aut aliquid eiusmodi, legerant, unde, notiore vocabulo, fenestram facerent. In Antiquis praeterea scriptum est,

O quis tuarum, corue, pennarum vigor.

Videtur laudare alarum remigium, non velut gratam ac pictam avis speciem. Sed in Romuli et in Phaedri exemplis *nitor* est relatum. Deinde bis, *Si vocem haberes latiorē*: quod

ex alio vocabulo prognatum puto. Nam Phaedri, *si vocem haberes*, tanquam si mutum vulpes coruum putaret, tam peccat, meo quidem animo, quam quod sequitur, *dum vult vocem ostendere*. Si Romulum audimus, editum fuerat a vetere poeta, *si vocem haberes claviorem*; quod in rem conuenit: rauci enim corui.

*** * * * *

F A B V L A XIII

Canis calumniator.

Ant. 5, Rom. 4, Phae. I, 17

Hac inprimis fabula labare Phaedri ingenium, et esse signa quaedam saeculi deterioris, alio tempore notavi. Nam argumenti certe narratio rectius hic expeditur in Antiquis, atque apud Romulum, quam in illius fabulis.

*** * * * *

F A B V L A XIII

Canis et Scrofa.

Ant. 54, Rom. 9, Phae. I, 19

Romulus, atque item qui pro Phaedro fertur, pro scrofa huius fabulae caniculam posuerunt. Sed scrofam habet Antiquarum liber.

liber. Non erat caussa, cur mutarem, ut
 illae partes caniculae mandarentur potius.
 Sed hoc idem, quod variatur, argumento est,
 super alia multa eiusmodi, non posse fieri
 id, quod commentariis suis ad Phaedrum
 grammatici pugnant, ut hae Nilantii Antiquae
 describendo e Phaedri trimetris natae extite-
 rint. Id enim si esset verum, nunquam in
 animum induxisset is, qui descripsit, expuncta
 canicula scrofam rescribere. At posuit hoc,
 quod ibi deest. posuit igitur ex alio. Quae
 ille verba in litteras relata accepit, integra
 saepe reddit: etiam numeros saepe, ac totos
 trimetros refundit. nisi qua resecat atque re-
 linquit aliqua, quae ipsi recondita ac difficilia,
 aut abundare quadam copia videbantur, nihil
 ferme mutat. Verba interdum rariora, aliis
 deterioribus, sed notis ipsi, circumscribit.
 Iudicio certe suo in conuertenda narratione,
 tanquam emendaturus, non utitur. In hac
 tamen fabula, quum verba sibi et Phaetro
 communia, et numeros quoque usurpet, nar-
 rationem argumenti aliam, quam nunquam
 faceret, sed accepit, habet. Ideo necesse est,
 eum ipsos trimetros Phaetri accepisse ab ali-
 quo poeta non Phaetro, qui diuersus ab eo,
 verbis tamen et numeris conueniret. Istud
 quidem contingere lege alia nulla potuit, nisi
 si vterque e vetustiore poeta communiter scri-
 benda aut repeteret, aut si Phaetri saltem
 libri ea parte, qua congrutunt, ex epitome
 Anti-

Antiquarum conscripti, velut restituendo in faciem poetae veteris pristinam, fuerunt: quod ego non verisimile modo, sed prope verum esse censeo. In Antiquarum verbis legitur hoc loco, *foetus exponeret*: in Phaedro, *deterius, foetum deponeret*: in illis, *ut catuli firmi exirent*: in isto, *dum firmiores catulos posset ducere*: In illis, *Coepit cubile suum repetere et cogere*: in isto, *Flagitare validius Cubile coepit*: alia ad eum modum: quae nitidiora fere in Antiquis, quid vnde sumtum sit, ostendunt.

*** * * * *

F A B V L A X V

C a n e s f a m e l i c i .

Aes. 211, Ant. 2; Phae. I, 20

Hanc fabulam quia mancā Antiquae posuerant, talem reliquisse, qui pro Phaedro scripsit, videtur. Ego vero restituere conatus sum, qualem opinor olim editam fuisse a poeta, cuius nomen ignoratur. Aliquos ut refingendo nervos acciperet, et mentem nonnullam, quae deerant, studui. Nulla enim tam re, quod supra aliquoties monui, in Phaedro peccatum est, quam breuitate vitiosa.

F A B V .

F A B V L A X V I

Leo senex et Asinus.

Ant. 16, Rom. 14, Phae. I, 21

Haec fabula, praeterquam quod verba habet parum nitida, et versus in Phaedro quoque obuios, vt illum,

Et vindicauit ictu veterem iniuriam:

deinde, *mox confodit cornibus: cornibus frontem exerit, aut, extrudit: alia ad eum modum: clausula destituitur apta, cuius vestigia minime repudianda seruant Antiquae et Romulus Nilantii. Cui esset virtus mea, inquit, fuit honor, fuit timor, vt omnes viso me fugerent, et opinio ipsa terreret. Plures, quos beniuolus non laesi, quibus et auxiliator fui, ipsi malignantur mihi: et quia sum sine viribus, nullus est timor pristinus. Mansuetos esse in dignitate. At Romulus, Quamdiu habuerim, inquit, vires, honor meus et timor ubique super omnia animalia dilatatus est, vt omnes, viso me et audito, me sparsim per terras tremantes fugerent, et etiam ipsa mea opinio plures terrebat. Nec, tam grauitè dolorem sustinuissem, si illae bestiae mihi tantummodo malefacerent, quibus antea male-*

malefeci. Sed et illae, quibus auxiliator fui, mihi malignantur, et quia sum sine viribus pristinis, pristinus honor et timor a nullo redditur. Monet haec fabula, Omnes potentes debere mansuetos fieri potestatibus suis. Agnoscis hic vtriusque descriptoris epitomae communia, petita illa e fundo communi poetae veteris: horum tamen, quia in eadem Phaedri fabula nihil extat, alium esse eum poetam, ac minime Phaedrum, manifestum est. Communia autem eorum verba, Honor meus et timor: omnes viso me fugerent: opinio ipsa terrebat: quibus auxiliator fui: sine viribus pristinis: timor pristinus. Quae quidem nullo negotio redire videntur ad numeros, his propemodum, qui sequuntur, trimetris, quorum e similibus extitisse verba puto. Sed supra rotundiora, magisque, ut spero, concinna, integra ingenii libertate, expressimus.

*Dum salua virtus, et timor, et honor omnium
Fui ferarum: quae vel auditu meae
Fugerent tremantes vocis: aut viso, procul.
Terrebat ipsa plurimas opinio.
Quibus benignus idem et auxilio fui,
Has in iacentem nunc quoque experior malas.
Quia destitutus viribus sum pristinis,
Reliquit omnes pristinus nostri timor.*

*Isis monetur, sortis incertae memor,
Mansuetus ut sit, qui potestatem gerit.*

FABVLA XVII

M u s t e l a e t H o m o.

Ant. 29, Phae. I, 22

In hac fabula narranda non verbis modo subinde melioribus exsurgit oratio Antiquarum, quam qualiscunque Phaeder, sed totis quoque versibus, quos ille aut non habet, cum sublegere cessaret, aut non deprehensos, quales essent, refingendo corrumpit. Malum autem verbum, nec Latinum, *Nunc quia laboras*, non proposuerant Antiquae: debitum igitur eius ingenio, qui pro Phaedro scripsit. Deinceps, quod versus in Phaedro claudicat, - - *quaeso, inquit, parce mihi*, natum videtur errore ex istis Antiquarum verbis, *Et mustela, Rogo, parce mihi*. Hic quoque ibi versus, vno vocabulo paullum transposito, melior, quam in Phaedri fabula:

A muribus molestis purgaui domum.

et, qui sequuntur, propemodum toti in Antiquarum oratione tales, quales posui:

Respondit ille, Non facis causa mea.

Nam gratum haberem, si pro me, ac veniam darem.

Nunc

Nunc ideo mures, improba, ut comedas, necas :

- - nostras - - - reliquias,

Quas illi erant rosuri, totas deuoras.

Noli imputare vanum - - - beneficium.

Haec prope, ut dixi, ad verbum. Sed supra alia, atque, ut opinor, meliora tenui.

*** * ***

F A B V L A XVIII

C a n i s f i d e l i s .

Ant. 23, Rom. 20, Phae. I, 23

Hic Antiquas qui male describendo congestit, quum elumbe aliquid in principio posuisset, quod tamen spondeis utcumque implere mensuram trimetri videbatur in haec verba,

Nocturnus fur cum panem misisset cani :

totum istud, quale natum erat, putauit inter Iambicos suos celebrari posse, qui pro Phaedro scripsit : atque ideo fabulam quoque illius a capite ducit vendit que. Deinde hoc quoque Antiquarum verbum non bonum expressit ac retulit,

Canis ait, linguam vis meam praeccludere.

et mox,

Vt facias, quaeris, per meam culpam lucrum.

Atta-

Attamen si illa, qualia scripta fuerunt, nos
 que ea proponimus, integriora reliquisset,
 multa exitura erant rectiora, quam nunc in
 Phaedri libris leguntur. Qua de re nos alio
 libro, quae erat opus, edidimus. Ceterum
 fabulae huius argumentum plenius, atque, ut
 opinor, melius etiam, tametsi verbis plerum-
 que barbaris, Romulus est prosecutus. Ex
 eo nos esse repetenda credidimus ea propemo-
 dum, quae utcumque ornatiora supra posui.
 Ille quoque trimetros aliquos prope integros
 atque intactos describendo frequentavit, qui,
 quoniam non sunt in Phaedri hac fabula, ex
 alio videlicet poeta, qui Aesopias scriptas tri-
 metris relinqueret, sumti sunt. ut isti,

Gratis ne panem, stulte, porrigis mihi?

An, ut videtur, prodam uti dominum meum,

Domum, pecuniam, ac familiam eius, tibi?

Panis aliter vicem unde reddam; nescio.

Sequuntur alia eiusmodi, quorum, quae sunt
 paullo elegantiora, ut *vicem panis reddere*, et
 quae sunt his similia, de se petere Romulus
 non potuit.

FABVLA XVIII

R a n a e t B o s.

Ant. 33, Phae. I, 24

Rana rupta, titulus est fabulae in Antiquis, et in Phaedri, incitior ille vero ab euentu: nam rupta non loqueretur, ne in fabula quidem. Ille scripsit, *si esset altior*: quod rectius est, meo quidem animo, quam Phaedri verbum, *si esset latior*. Corruptum ex eo putes: prorsus ut supra Antiquae, eodem in vocabulo peccantes, *latiorem vocem* prodiderunt. Vterque *simili modo* pro rursus perperam dictum vsurpant, adduntque alia quaedam non munda satis. in utroque extat iste trimeter,

Novissime indignata, dum vult validius.

Post eum ea, quae sequuntur, sic potius videntur primum a vetere poeta scripta fuisse, quam quo pacto in Phaedri eduntur libris,

Inflare sese, rupta funditus interit.

Inopem superbum tangit illa fabula,

Qui se, potentes aemulando, ulciscitur.

aut fortassis hoc modo,

Qui punit ipse se potentis aemulum.

F A B V.

F A B V L A X X

Canis et Crocodilus.

Ant. 31, Phae. I, 25

C*rocodilus* bis editum in fabulis Phaedri fuisse, non *Crocodilus*, istamque per scripturam non peccatum esse in legem syllabae corripiendae, quae antiquiore similitudinis ratione produceretur, ut suadeat Gudius verbis multis librorumque exemplo, nunquam mihi aliis que persuadebit. Sed erravisse eum, qui pro Phaedro scripsit, in syllabae modo reddendo, verius est. Nam hoc peccatum, ut accidisse ei putemus, alia eiusmodi in his quinque libris, parum diligenter exacta; faciunt. Accedit ad ista, quod in codice Antiquarum constanter legitur *Crocodilus*. Alia huius item fabulae verba sub Phaedri nomine edita fuerunt non satis munda, quorum vestigium in Antiquis non extat: ut; *deridetur turpiter: lambe otio: de dolo vereri*. Initium fere fabulae secundum Antiquas hoc videtur trimetro conceptum fuisse,

Bibunt canes currendo Nilo e flumine.

Non igitur de Phaedro est, qui aliud initium huic fabulae fecit.



F A B V L A XXI

Vulpes et Ciconia.

Ant. 63, Phae. I, 26

Prauum est in principio huius fabulae apud Phaedrum verbum, *Multandum simili iure*: quod non aliud vestigium habet in Antiquis vel propter sententiam, quam quod in Epimythio, *Nullum deridere*, inquit, *alium: et qui verbis se deludunt, ita vere fatigantur iniuria*. Puto scriptum primo fuisse, *vera fatigantur iniuria*. Deinceps mendosum est, quod in Phaedri libris editur, a capite huius fabulae,

Vulpis ad coenam dicitur ciconiam,

non, *Vulpes*, vt oportebat. Nam illo modo choreus pes, contra omnem naturam Iambici generis, initium versus vitiat. Manifesto autem errore hoc videtur ortum fuisse e scriptura Antiquarum, vbi cum scriptum reperiretur quadam specie ac vestigio numerorum,

Vulpis ad coenani prior inuitauit ciconiam, putauit Perottus, aut quicumque restituere hoc argumentum fabulae ex Antiquis ausus est, priora eorum verba, et scripturam quoque, qua erant concepta, integra se posse relinquere. Satis habuit, conuertere verbum, *inuitauit*, in, *dicitur inuitasse*. At mihi videtur sic potius in literas relatum a vetere poeta fuisse,

Inui-

*Inuitat ad coenam prior ciconiam
Vulpis.*

aut hoc pacto:

Vulpis vocauerat ciconiam prior.

Sequuntur corrupta eius ingenio, qui nobis restituit, vt putabat, Phaedrum: *liquidam sorbitiunculam*. At Antiquae, *Posuit illi in scutella sorbitiunculam*. Romulus, qui illi vocabulo male abundanti videtur occasionem praeuisse, *sorbitiunculam in catino liquidam*. quod rectius tamen illo fertur, quia *catini* vocabulum adiectum est, tanquam si dixisset, *diffluentem in catino*. Reliqua nos propius supra ad epitomarum sententiam, quam qui pro Phaedro.

*** * * * *

F A B V L A XXII

C a n i s e t V u l t u r .

Ant. 32, Phae. I, 27

Hic, quem posui, fabulae titulus, legitur in Antiquis. ideo veriore, quam in Phaedri libris est, restituere mihi visus sum. quo enim ista dissuta, *Canis et Thesaurus et Vulturius?* tanquam si thesaurus quoque inter personas fabulae. In Antiquis ad verbum hoc legitur,

Iniecta est illi diuiciarum cupiditas:

vnde male modulatum constituere se trimetrum posse credidit, qui pro Phaedro habetur. Se-

sint, inquit, opibus, tamen humiles metuere debent.. Rectior hac parte Romulus, qui sic illa concepit, *Frequenter euenit, vt impotentes possint nocere potentioribus.* Excipit hunc alius elumbi sententia verbis que non commodis versus,

Vindicta docili quia patet solertiae.

In reliquis fere orationem Antiquarum sequitur, qui pro Phaetro est, velut iste malus trimeter ad verbum ibi extat,

Incolumes natos supplex vulpi reddidit.

Nam *re reddidit* Antiquarum hic etiam melius relatum est, quam Phaetri, *tradidit.* Alia quaedam de suo illis adiecit non bona, vt, *luctum importarent*, ac, *tuta quippe ipso loco.*

*** * ***

F A B V L A X X I I I I

Columbae ac Milus.

Ant. 22, Rom. 19, Phae. I, 31

Hanc, et eam, quae secundum hanc legitur, fabulam, copia nonnulla, vt spero, expoliui, prae ea facie bona quidem, quam habent illae in Phaetri libris. Secutus autem sum vestigia non obscura vtriusque epitomae, Antiquarum et Romuli. Nam de columbis fabulam non inicitam, vt dixi, sed breuem nimis fecit,

H 4

qui

qui pro Phaedro: et post pauca, quae non optima inferuisse de suo videtur, clausula praerupta, *Merito plectimur*, destituit potius lectoris animum, quam ut velut exsatiatum sententia dictorum dimitteret. Aliqua tamen sic quoque, nisi fallor, meliora extant in oratione Antiquarum: ut istud,

Et celeritate pennae mutassent necem:

vbi *τὸ mutare* dictum mihi cum quadam elegantia videtur: quod etiam defendit Burmannus ad hunc Phaedri versum. Fortasse etiam *pennarum* ibi recte legitur, non *pennae*, si pro *mutarent* aliud vocabulum positum fuerat. Hoc quoque mundius, quod scriptum est,

Consilio raptor - - vertit fallaciam.

Mox, tanquam si esset versus absolutus, haec pars epitomae cruda transcripta est,

Qui regnum adeptus coepit vefci singulas.

mirum vero, quod singulas, neque decuriam quoque bolo. Illa scilicet corrupta in epitomis, tanquam si essent integra, saepe legit expressitque, qui nobis Phaedrum dedit. Extat ibi quoque communis ferme poetae veteri, et qui pro Phaedro habetur, et mihi versus,

Auxilia cum requirit, exitium inuenit.

In vocabulo *miluus* seruaui ego merito veterem,

rem, atque, vt puto, vnice veram formam, vt *miluus* syllabis tribus Latine dicatur, nunquam *miluius*, quod eliminandum e ciuitate ac iure Latii vocabulum arbitror. Nam, qui huic etiam aliquem in libris locum concedunt, si Borrichii argumentis mouentur, fugit eos ratio. Borrichius quidem, vt erat vir industrius, qua verborum auctoritate vtitur, de libris dicta veterum promisit eis, qui fere nuper fuerant machinis descripti. Ceterum non videtur inspexisse vnquam calamis olim exaratos libros, membranas que praeclaras, quae solae controversias dirimere, super scriptura vocabulorum natas tales, censentur posse. In meis, quas vidi tractauique multum, habeo que in manu, bonis membranis Plauti, Terentii, aliorum, constanter et vbique *miluus* in litteras relatum est, syllabis, vt pedum ratio in poetarum carminibus cogit, tribus. Si tamen est tanti, meum quoque testimonium, post auctoritatem Nicolai Heinsii, aliorumque, audiri. Hoc idem super Plauto attestantur mihi chirographa doctissimorum virorum, qui ad eum poetam olim Camerarii vetustissimas membranas et Eystedensem codicem rursus summa diligentia excusserunt. Quorum ego quantiuis pretii ad oras librorum notata, vt alia non paucissima eiusmodi, emendatiore editione aliquando castigandis veterum quorundam scriptis, vbi Deus spiritum otium que studiis honestis concefferit, seruo. Non est hic dissimulan-

dam, *miluus* quoque per V, syllabis tribus, quemadmodum *mituus*, in membranis subinde scriptum inueniri, vt credibile sit, vtrumque veteres vsurpasse. Fateor etiam, semel omnino in membranis meis Ouidii Metamorphoseon, non vetustis valde, sed apprime bonis, quibus multum alias tribuo, expressum esse, *miluius*.

[illegible]

FABVLA XXV

Ceruus et Boues.

Ant. 8, Phae. II, 8

Haec de ceruo supplice bubus fabula inter
scitissimas librorum quinque Phaedri me-
rito est habenda. . Tamen interspersit ille,
qui Phaedrum fecit, hic quoque aliqua minime
bona, quae in epitome Antiquarum litteris tra-
dita non sunt. vt, *nemorosa latibula: venato-
rum necem: hominum tectum: omnes rustici,*
pro bubulcis ac reliquis seruis: at, liberi quo-
que in ea domo, ac dominus ipse, rustici: alia
ad eum modum. Praeclara nonnulla, quae in
Antiquarum oratione insunt, neglexit. vt il-
lud antitheto elegans, *non quaesitum inuenit.*
Non est dissimulandum aliqua alia eum quo-
que, qui pro Phaedro, adiecisse fabulae per
quam faceta ac proba. *Cur frondis parum
est:*

est: stramenta desunt: quae sequuntur. Ea tamen nos, quoniam nullo vestigio in Antiquis desiderantur, non ausi sumus tangere. Addidimus diuersa, in quibus non videmur inferiores discessisse Phaedro.

✠✠✠ ✠✠✠ ✠✠✠ ✠✠✠ ✠✠✠ ✠✠✠ ✠✠✠ ✠✠✠ ✠✠✠ ✠✠✠

F A B V L A X X V I

C a n i s e t L u p u s.

Ant. 45, Rom. 34, Phae. III, 7

Hanc quoque fabulam, quanquam minime inficetam apud eum, qui pro Phaedro, videmur copia orationis nonnulla meliorem fecisse. Reliquimus quaedam illi non bona; ut, *pulmentarium*, quod quisque fastidit: at, si fastiditur, quo pacto pulmentarium? rectum esset, si scripsisset, *reliquias pulmentorum*. Eorum, quae adiecimus, tenuia quamuis vestigia extant in epitomis. Ut ista, quae manifesta sunt membra poetae veteris, neglecta a Perotto, aut quisquis Phaedrum fecit: *nocturnum furem nuncio: otiosus vita fruor: sub tectis cubo: aqua nullo tempore deest mihi: frueri his, quae laudasti: nulla catena me tenet: innumerabiles mihi viae: nullus timor: de grege gusto: canes ingenio meo deludo: atque alia eorum similia, verborum ac numerorum indicio, de poeta aliquo, qui Iambis scripsisset, petita.*

F A B V-

*** ** * ** *

FABVLA XXVII

Scrutarius et Afellus.

Aef. 245, Ant. 47, Phae. III, 20

Hanc fabulam, quae *Negotiator* inscribitur in Antiquis, sine causa idonea totam immutavit qui pro Phaedro, Gallosque matris deorum, mea quidem sententia, temere in eam introduxit. Ego restitui talem fere, quale eius argumentum e tenuibus epitomae vestigiis colligi poterat: nisi quod conveniens minus negotiatoris vocabulum sustuli, ac reposui in titulo quidem scrutarium, in corpore fabulae, quod oportebat, insitorem. Solebant enim descriptores tales pro minus frequentatis praefertim vocabulis substituere cognita sibi ac per-vulgata, sed saepe ab re abludentia.

*** ** * ** *

FABVLA XXVIII

Vipera et Lima.

Aef. 187, Ant. 42, Phae. III, 7

Huius fabulae in principio quem versum qui pro Phaedro posuit,

Mordaciorem qui improbo dente adperit,

* mul-

multum friget, neque satis praecepti cuiusdam
 utilis implet sententiam. Rectiora sunt, quan-
 quam verbis ineptis, quae Antiquarum de-
 scriptor praestat. *Duobus malis, inquit, ma-
 lus peiorum non dolet: nec iniquus iniquum
 superat.* Quorum verborum e vestigiis verum
 ego, nisi fallor, epimythium fabulae restitui.
 Non est autem dissimulandum, scitiorem hanc fa-
 bulam, atque aliter tornatam, in Graecis Aesopi
 periochis esse; corruptiorem inter Antiquas:
 corruptissimam in Phaedri libris. Illa quoque
 in verbis eius non optima olim notavi, *si qua
 res cibi: contra contumax: ferrum corrodere,*
 Frustra haec pars in Antiquis quaedam dactylici
 generis habet. ut istud,

- - tuos vis laedere dentes.

Equidem refeci, ut licuit, quae convenientia
 putabam.

*** * * * *

F A B V L A XXVIII

Musca et Formica.

Ant. 27,

Phae. II, 23

Est haec quoque fabula de scitissimis earum,
 quae Phaedri sub nomine editae fuerunt.
 Attamen in hac quoqueprehenduntur emble-
 mata nonnulla eius, qui trimetros refecit.
 Nam vestigium eorum, quae adiecta dixi, ver-
 borum

borum in Antiquis nullum est. Talia sunt, *laboro nihil, et, nihil laboras*, pro eo, quod oportebat, opus non facis, nihil habes dimensi, pensi nihil, quod per totum diem agas. Istud quam non sit Latinum, quam ei, qui Phaedrum fecit, familiare, vt *laborare* valeat opus aliquod certum facere, alias docui. Eiusmodi sunt quoque alia ibi insititia, atque illa exemplendae fere versus mensurae inuenta, *hominum discernit notas: exhibet solidum decus*. Equidem veriore fabulam rescribendo secundum Antiquas, neque ideo deteriorem, vt spero, reddidi.

*** * * * * *

F A B V L A X X X .

C a l u s e t M u s c a .

Ant. 66, Phae. V, 3

In hac breui quoque fabula obscura quaedam ac parum Latina pro Phaedro scripta sunt, vt illud,

Iniuriae qui addideris contumeliam:

et *mens laedendi*: et hoc abundans ac diffluens, *contemti generis animal improbum*. Epimythium quoque obscurius est. Non in epitome ista quidem, quanquam ea aliis rebus abludat:



LIBRO SECVNDO

FABVLA I

Canis senex ac Dominus.

Ant. 62,

Phae. V, 10

Titulum fabulae, qualis est in Antiquis, integrum reliqui, quanquam verisimile sit, *Canis senex* natum esse fortassis e *Canis vetulus*, aut *Canis venator*. Nam, qui pro Phaedro, inscripsit, *Canis et Venator*. Sed haec, vltima eius quinque librorum fabula, breuior iusto apponitur ibi. Quaedam certe, vnde argumentum hoc ornari plurimum poterat, extant minime aspernanda vel in breuitate epitomae. Illa equidem pro libertate, quam mihi vbique vindicaui, explicandi fabulas vt vellem, restituere ei sum conatus. Eadem libertate trimetrum sententiae virtute satis mundum, qui legi ferme poterat ex oratione Antiquarum, quoniam numeri eius non respondent ad exempla potiora, intactum reliqui.

*Quod fuimus laudas, iam damnas quod non
sumus.*

In Antiquis vero, *Laudasti*, inquit, *quod fui:*
mibi iam damnas quod sum. Interim alio
quoque

quoque pacto licuerat adstrictius, verbis que melioribus, trimetrum modulationem refingere vel istum :

Olim probabas quod fui : quod sum modo

Damnare noli .

Ille tamen, qui plurima refecit, cum Phaedrum de epitomis faceret, in breuissima quoque hac operis clausula quaedam de suo addidit non probanda. Nam, cum in principio recte posuisset e ratione huius argumenti, **VELOCES feras** : pro exemplo postea induxit feram non velocem, aut fugacem, qualem innuebat exordium : sed pugnacissimam, *Hispidi*, inquit, *pugnam suis*. *Hispidi* autem, ut etiam fulmen dentium metuendum videretur. Ineptum nobis ac paene cerritum ac medicandum venatorem narrat, qui hunc unum canem vetulum apro tanto obiiceret. Sequitur inscitum illud in spondeon desinens,

cui senex contra latrans :

cuius nullum in Antiquis vestigium est : neque vlla grammaticorum benignitas hoc trimetri monstrum excuset.

††† ††† ††† ††† ††† * ††† ††† ††† ††† †††

F A B V L A I I

Leo et Mus.

Aef. 221, Ant. 18, Rom. 16, Phae. app. 4

Haec non germana eius, qui pro Phaedro scripsit, sed in appendicem post libros quinque reiecta fabula, eo paene modo restituta ex Antiquarum verbis a Gudio, quo modo nos et hanc, et reliquas fecimus. Si quid rectius illi, an nobis exierit, intellegentes talium iudicabunt. Quare supersedeo iam nunc conquirendis his, quibus aut ille, aut Burmanus postea, in argumento eodem e communi velut penu scribendo, a nostra ratione distat. Aliqua tamen meliora in Antiquarum verbis hi quoque reliquerunt, ut hic *mures agrarii*, quod meo quidem animo mundius erat, quam quod Gudius praetulit, *mures rustici*.

††† ††† ††† ††† ††† * ††† ††† ††† ††† †††

F A B V L A I I I

Homo et Arborea.

Ant. 44, Rom. 33, Phae. app. 5

Hanc quoque Gudius ex Antiquarum vestigiis fabulam fecit, si me audis, non bene. Ter enim conatus, neque filum narrationis

I

nis

nis tenuit satis, neque abest multum a frigida
 siccaque tenuitate. Sed nihil attinet illa sequi
 pressius, posteaquam in his fabulis iam nullum
 Phaedri ingenium qualiscunque, quod peti-
 mus, cernitur. In superioribus defecerat.
 Veruntamen, quia hae quoque, quas toto libro
 secundo posui, natae omnes de Phaedro fabu-
 lae doctis hominibus videbantur, egregius
 olim adolescens Ioh. Fred. Nilant, quum An-
 tiquas ac Romuli fabulas e membranis ederet,
 multas earum, quia Phaedro deessent, cona-
 tus est redigere in trimetros Phaedrinos, e qua-
 libus solutas fuisse credebat: omnes deinde,
 exceptis his, quae sub Phaedri nomine iam an-
 te editae fuissent, V. C. Petrus Burmanus. Ni-
 lantii quidem si producere versus instituerem,
 traducere viderer. Non enim successit. Lau-
 dandus in eo conatus est. Spondeon subinde
 aut choreum sexto trimetrorum loco ponit.
 Quod eius erratum ante nos Burmanus anno-
 tauit, et, non esse concedendum, satis con-
 stat. Huius certe ipsius, ut erat eruditissimus,
 atque ingeniosus, et vberis quoque in pan-
 gendo carmine ac felicit venae, non deest
 fabulis oratio decora ac nitida, quae in fine
 Phaedri ab ipso iterum recogniti leguntur.
 Attamen, ne quid vel aduersus amicum quon-
 dam virum, ubi ingeniorum causa agitur et
 veritas litterarum, dissimulem, est ille in par-
 tibus neglectior, et quia sibi numerorum li-
 centiam permiserat eandem, quam in Phaedri
 libris

libris vſurpatam inuenerat, verbis ſaepe bonis parum vinctus. Diuerſi igitur diuerſa rebus multis, ille, et Gudius, et Nilantius, ego que, ex vnīs commentariis, argumento eodem aut ſimili, ſcribere inſtituimus. Liberrius certe ego, ac ſaepe copia narrationis ampliore: adſtrictius illi, maiore que cum ſolicitudine epitomen intuiti, et Phaedri qualiſcunque exemplum, cuius tenuem breuitatem imitabantur. In hoc honeſtiſſimo ingeniorum certamine quis eorum ſuperior diſceſſerit, aut, ſi mihi quoque locus ſecundum illos recte datus ſit, iudicabunt alii harum ſtudioſi litterarum. Verbum praeterea non addam, niſi vt moneam lectores, me Antiquarum ac Romuli fabularum quaſdam conſulto praetermiſſiſſe, quia argumentis minus mundaе, vt vlla ope poſſint niteſcere, non putabam futurum.

Inter illa, quae interdum minus trita poſuimus, eſt, quod in fine fabulae XIII libro ſecundo *ſuperbiam dixi fratris incumbentem malis*, exemplo quidem Virgilii, apud quem monetur Anchifeſ, dum moras trahit in Illo capto,

- - - *ne vertere ſecum*

*Cuncta pater fato que vrgenti incumbere
vellet.*

Iſtud *fato vrgenti incumbere* quid ſit, muſ-
I 2 ſanti-

fantibus Seruio aliis que, aut aliena ab re proponentibus grammaticis, memini me recte enarratum olim legere in epistola Vitebergae proposita Pauli Eberi nomine. Sed scriptam eam a Melanthono puto. Ibi vero *incumbere* fato est, prementi suapte opera fatali exitio aliquas molestias, quae non insunt, repugnando iniungere, et malis sponte arcessitis vrguere et cumulare malum. In alia fabula vulpis cum leone vigesima secunda eius libri, qua exit epimythium, si cui impeditus videatur, quod scriptum est, possit me item volente hoc finire rem trimetro,

Serum est, negatos inde tentare exitus.



COROL.



COROLLARIUM
FABELLARVM

FABVLA I

Honestorum purpura pudor.

e Libro paruo, qui *Mores antiqui* inscribitur,

Lipf. a. CICIDCCXLV.

Fabula sub falso vetus edat vera. Prometheus
Circumiecctum animis tegimen, ne, qualia quisquis
Intus agat, videas, mortalia finxerat ora.
Mentis consilia erectae, curuaeque dolum, vna
Frontis simplicitas intra conclusa tenebat.
Saepe leui rumore bonus visus malus: ater
Albus erat: damno communi tectus vterque.
Hinc Nemesis vaga, iudiciis errantibus ultro.
Poena sequebatur meritos bene, praeda nocentes.
Errorem donec deus est miseratus, apertis
Vultibus adiiciens discrimina certa coloris,
Ac manifesta genis hominum decreta bonorum.
Mens vbi consilio se mouerit intus honesto,
Sanguinis emineat rubor alto clarus in ore,

I 3

Pecto-

Pectoris haec niuei sit purpura, dixit, et omnis
Annuit his natura. Bonorum tempore ab illo
Fronte pudor sedet ingenuus: frons ferrea praui.

Ille tener tamen hoc praestanti munere vultus,
Cui deus impressit meditantis honesta colorem,
Fingitur, et multa in fraudem componitur arte.

FABULA II

Societas pecudum cum Leone.

Vacca, ouis, et item capella, cum leone in sal-
tibus

Proximae venationis societatem iunxerant.
Lege tali cum profecta quaeque notis callibus,
Actus in commune ceruus praeda vasti corporis.
Hoc super leo elocutus rite factis partibus:

Tollo primam iure partem, nam que nominor leo:
Et secunda fortiori iure cesserit mihi:

Tertiam mea poscit opera maior, et vestro labor:
Atque quarta cui placebit grande ego dederim
malum.

Dum necessitate mussat ista circumstans pecus,
Praedam inermibus leonis improbi vis abstulit.

Foedera amplexator aequa viribus, pauper, tuis:
Cum potentiore nunquam fida societas tibi.



I N.

I N D E X

B

<i>Bos et Asinus</i>	II, 10 , 54
<i>Bouem inuitata Rana</i>	I, 19, 26
<i>Boues cum Ceruo supplice</i>	I, 25, 32

C

<i>Caluus et Musca</i>	I, 30 , 40
<i>Camelus et Culex</i>	II, 23 , 73
<i>Canes famelici</i>	I, 15 , 22
<i>Canis calumniator</i>	I, 13 , 20
<i>Canis et Crocodilus</i>	I, 20, 27
<i>Canis et Lupus</i>	I, 26 , 34
<i>Canis et Onis rea</i>	I, 13 , 20
<i>Canis et Scrofa</i>	I, 14 , 21
<i>Canis et Vultur</i>	I, 22, 29
<i>Canis extra ferens</i>	I, 5 , 12
<i>Canis fidelis</i>	I, 18, 25
<i>Canis senex et Dominus</i>	II, 1, 41
<i>Cervus ad fontem</i>	I, II, 18
<i>Cervus et Boues</i>	I, 25 , 32
<i>Cicada et Formica</i>	II, 20, 70
<i>Ciconia cum Vulpe</i>	I, 21, 28
<i>Cochlea et Speculum</i>	II, 6 , 48
<i>Columbae et Miluus</i>	I, 24 , 31
<i>Cornix et Grus</i>	II, 7, 49
<i>Cornix et Onis</i>	II , 19, 69
	<i>Cornus</i>

I N D E X

<i>Corvus et Vulpis</i>	I, 12 , 19
<i>Crocodilus ad Canem</i>	I, 20 , 27
<i>Culex et Camelus</i>	II, 23 , 73
<i>Culex et Taurus</i>	II, 12 , 58

E

<i>Equus et Asinus</i>	II, 13 , 59
<i>Equus et Asinus</i>	II, 21 , 71

* F

<i>Formica et Cicada</i>	II, 20 , 70
<i>Formica et Musca</i>	I, 29 , 38
<i>Fur nocturnus et Canis</i>	I, 18 , 25

G

<i>Galli gallinacei duo et Accipiter</i>	II, 5 , 47
<i>Gallus gallinaceus et Magarita</i>	I, 2 , 9
<i>Graculus inter Pavones</i>	I, 4 , 11
<i>Grus et Cornix</i>	II, 7 , 49
<i>Grus et Lupus</i>	I, 8 , 15

H

<i>Hirundo et Aves reliquae</i>	II, 8 , 51
<i>Hoedus et Lupus</i>	II, 24 , 74
<i>Homo ad Mustelam</i>	I, 17 , 24
<i>Homo et Arbores</i>	II, 3 , 45
<i>Homo et Leo</i>	II, 18 , 68
<i>Honestorum purpura pudor</i>	Cor. I, 133

I N D E X

L

<i>Leo et Homo</i>	II, <u>18</u> , 68
<i>Leo et Mus</i>	II, 2, 43
<i>Leo et Pastor</i>	II, II, <u>55</u>
<i>Leo et Simia</i>	II, <u>17</u> , <u>65</u>
<i>Leonina societas</i>	I, <u>6</u> , <u>13</u> Cor. 2, <u>134</u>
<i>Leo senex et Asinus</i>	I, <u>16</u> , <u>23</u>
<i>Leo senex et Vulpes</i>	II, 22, <u>72</u>
<i>Lepus et Passer</i>	I, <u>2</u> , <u>16</u>
<i>Lima ad Viperam</i>	I, <u>28</u> , <u>37</u>
<i>Lupus et Agnus</i>	I, <u>3</u> , 10
<i>Lupus et Canis</i>	I, 26, <u>34</u>
<i>Lupus et Grus</i>	I, <u>8</u> , 15
<i>Lupus et Hoedus</i>	II, <u>24</u> , <u>74</u>
<i>Lupus et Pastor</i>	II, <u>16</u> , <u>64</u>
<i>Lupus et Vulpes Simio iudice</i>	I, 10, <u>17</u>

M

<i>Milius et Columbae</i>	I, 24, <u>31</u>
<i>Mus agrarius et Leo</i>	II, 2, <u>43</u>
<i>Musca cum Caluo</i>	I, 30, 40
<i>Musca et Formica</i>	I, 29, <u>38</u>
<i>Mus et Rana</i>	II, <u>4</u> , <u>46</u>
<i>Muscula et Homo</i>	I, 17, <u>24</u>

O

<i>Oues et Lupi</i>	II, <u>15</u> , <u>63</u>
<i>Ouis et Cornix</i>	II, <u>19</u> , <u>69</u>
	<i>Passer</i>

I N D E X

P

<i>Passer et Lepus</i>	I, 9, 16
<i>Perdix et Vulpes</i>	II, 9, 53
<i>Pudor purpura honestorum</i>	Cor. I, 133

R

<i>Rana et Bos</i>	I, 19, 26
<i>Rana et Mus</i>	II, 4, 46
<i>Ranae regem petentes</i>	I, 1, 7

S

<i>Scrutarius et Asellus</i>	I, 27, 36
<i>Simia et Leo</i>	II, 17, 65
<i>Simius Lupi et Vulpis index</i>	I, 10, 17
<i>Societas pecudum cum Leone</i>	I, 6, 13 Cor. 2, 134
<i>Sol maritus</i>	I, 7, 14
<i>Speculum et Cochlea</i>	II, 6, 48

T

<i>Taurus et Culex</i>	II, 12, 58
------------------------	------------

V

<i>Venator cum Canē vetulo</i>	II, 1, 41
<i>Vespertilio cum reliquis an.</i>	II, 14, 61
<i>Vipera et Lima</i>	I, 28, 37
<i>Volucres et Quadr. et Vespert.</i>	II, 14, 61
<i>Vulpes cum Leone</i>	II, 22, 72
<i>Vulpes et Aquila</i>	I, 23, 30
	<i>Vul-</i>

I N D E X

<i>Vulpis et Ciconia</i>	I, 21, 28
<i>Vulpis et Corvus</i>	I, 12, 19
<i>Vulpes et Perdix</i>	II, 9, 53
<i>Vulpes reus Simio iudice</i>	I, 10, 17
<i>Vultur et Canis</i>	I, 22, 29

F I N I S



A01 146.4723



A01 1464723

3520

40.

24

